

191.99-8

Ա-62

3277

ԱՐԱՄ ԱՆՏՈՆԵԱՆ

ԴԱՅԼԱՅԼԻԿ

ԸՆԹԵՐՑԱՐԱՆ

ՄԱՆԿԱՊԱՐՏԷՋ Բ. ՏԱՐԻ



Կ. ՊՈԼԻՍ


ԳՐԱՏՈՒՆ

ՏՊԱՐԱՆ

Յ. ԳԸԼԵՃՅԱՆ

Օ. ԱՐԶՈՒՄԱՆ

1913



491.93-8

Ա-68

ՆՈՐ ՀՐԱՏԱՐԱԿՈՒԹԻՒՆ Յ. ԳԸԼԸՃԵԱՆ ԳՐԱՏԱՆ

428
250-ԱՆ

ԱՐԱՄ ԱՆՏՈՆԵԱՆ

Գ Ա Յ Լ Ա Յ Լ Ի Կ

Ը Ն Թ Ե Ր Ց Ա Ր Ա Ն

Մ Ա Ն Կ Ա Պ Ա Ր Տ Է Ջ Բ. Տ Ա Ր Ի


468
897



ԿԵ ԳՈՒԻՍ
ԳՐԱՏՈՒՆ Յ. ԳԸԼԸՃԵԱՆ
1912

2002

11833



ԸՆԹԵՐՑԱՐԱՆ



1. ԸԼԼԱԼ, ԵՐԵՒԱԼ

(ԱՐՏԱՍԱՆՈՒԹԻՒՆ)

Սեղանի մը վըրան ելած էր Զարմայր,
 Ու կը պոռար. — «Տե՛ս, ալ մեծ մարդ եղայ, հա՛յբ»:
 Երբ վար իջաւ, պատասխանեց հայրն իրեն.
 — «Մեծ երեւցար, բայց տե՛ս, պզտիկ ես նորէն:
 Պէտք է ըլլայ,
 Ո՛չ երեւալ.

Խրատս ըլլայ, եղի՛ր մեծ մարդ, թէ կրնաս,
 Խնքզինքդ երբեք մի՛ մեծցներ դուն, տղա՛ս»:



ՏՊԱՐԱՆ ԵՒ ԿԱԶՄԱՏՈՒՆ

Օ. ԱՐՋՈՒՄԱՆ


№ 169

2. Ծ Ո Յ Լ Ի Ն Ա Ռ Տ Ո Ւ Ն

Առաուլ եղաւ, աքլորը ձայնեց, լոյսը բաց-
ուեցաւ:

Ռուբէն արթնցեր է քունէն ու կը պոռայ.

«Օգը ցուրտ է, մայր, չեմ ուզեր ելլել անկողնէն»:



Ռուբէն իջեր է անկող-
նէն, աշուրները կը շփէ:

Մայրը կանուխ մաքրեր
ու աւլեր է ամէն կողմ:

Ռուբէն նորէն կը պո-
ռայ.

«Ձուրը պաղ է, մայր, չեմ ուզեր լուս-
ցուիլ»:

Աշխատութեան ժամը հնչած է արդէն:

Թռչունները կ'երգեն, մարդիկ կ'երթան ի-
րենց գործին, փողոցէն վաճառորդները կ'անց-
նին պոռալով:

Ռուբէն կը սնտնայ:

«Իուրսը ձիւն կայ, մայր, չեմ ուզեր զըպ-
րոց երթալ»:

Կուգայ սակայն նախաճաշին ժամը:

Ռուբէն անօթի է ու կը պոռայ.

«Փորս անօթի է, մայր, կ'ուզեմ նախա-
ճաշ ընել»:

Բայց այս
անգամ, մայրն
է որ կը տըն-
տընայ, ու կ'ը-
սէ.

«Օգը ցուրտ
է, շուրը պաղ
է, դուրսը ձիւն
կայ, չեմ ուզեր
ն ա խ ա ճ ա շ դ
տայ:



Եւ Ռուբէն անօթի կը մնայ ու կուլայ:

Ռուբէն ալ ասկէ ետքը կանուխ պիտի ել-
լէ, շուտով պիտի լուսացուի, պիտի աճապարէ
դպրոց երթալու:

Եւ մայրիկը ճիշդ ատենին նախաճաշը պիտի
տայ, քանի մը պտուղ ալ աւելի:

Հարցումներ Եւրոպիայի վրայ (Գրքեր գոց). — Ռուբէն ինչո՞ւ չե՞ր
եղեր անկողնէն, ինչո՞ւ չե՞ր ուզեր լուսացուիլ. — Ի՞նչ սեսակ օգայ է Ռուբէն.
— Մայրը ինչպէ՞ս պատեց զինքը. — Ի՞նչ է վաճառորդը. — Բանի՞ սեսակ վա-
ճառորդ կը նանչնալ:

Հարցումներ պատկերներուն վրայ (Գործք բաց). — Ա. Պատկեր. — Ինչ տեսակ կենդանի և երեւցածք. — Ի՞նչ բացեր և. — Ի՞նչ տեսակ ծայր կը հանկ. — Երբ առտուն կանչի, ինչի՞ նշան և. — Ո՞ւր կը բնակի: Բ. Պատկեր. — Ի՞նչ կը ընկ պոսիկ տղան. — Ինչո՞վ կը շուտուի. — Ձեռները ինչո՞վ պիտի շոտեն. — Ինչի՞ միջ կը շուտուի:

3. ԽԵՆԹՈՒԿ ՉԻՆԸ

Խենթուկ ձիւնը կ'իջնէ նորէն, հա՛ կ'իջնէ: Չմեռ է:

Երէկ իրիկուն բան չկար մէջտեղը, բայց ահա այս առտու, երբ պատուհանը բացինք, տեսանք որ ամէն կողմ ճերմկցուցեր է:

Նայեցէ՛ք, լեցուցեր է օդը, և չենք կրնար դէմի տուները տեսնել:

Իր փաթիլները կը դառնան, կը պարեն, մէյ մը մինակ, մէյ մը խուճբով:


Շատերը գինովի պէս կ'երերան, կ'իյնան գետին: Ուրիշներ՝ ծառերուն վրայ յոգնութիւն կ'առնեն: Մէկ քանի հատն ալ կու գան մեր պատուհանը և ապակիին կը փակչին:

Բայց ինչո՞ւ մեր սիրական ծիծեռնակները չենք տեսնել: Բոլորն ալ ձգեր փախեր են: Մէկ հատ անգամ չէ մնացեր:

Ծիծեռնակները փախեր են, որովհետեւ

խենթուկ ձիւնը շատ ցուրտ է, և ծիծեռնակները մսկոտ են:

Բայց ծիծեռնակներուն տեղ ճնճողակները կան, որոնք մսկոտ չեն: Ահա եկեր են մեր պա-



տուհանին առջեւ, կը սպասեն որ հացի փրշրանքներ նետենք իրենց:

Մենք ալ կը մսինք, կրակ կը վառենք երբ ձիւն կուգայ, և տաք հազուտներ կը հագնինք:

Ձիւնը խենթուկ է, բայց մեծ նկարիչ մըն է:

Ինչ ազուր ճերմակ գոյնով մը ներկեր է ամէն բան, տուները, ծառերը, փողոցները, զանգակատունը:

Մեր անկողինն սաւաններուն պէս մաքուր է իր ներկը:

Բայց խենթուկ ձիւնին գծած պատկերները շատ չեն դիմանար: Վաղը արեւը կ'ելլէ և ամէնքն ալ կը հալին:

Յետոյ կու գայ գարունը, օդը կը տաքնայ, և մեր սիրուն ծիծեռնակները նորէն մեր քով կը դառնան:

Հարցումներ Գիտնական Գրայ (Գիտքը գոյ).— Ե՞րբ միւս կուգայ. — Ձիւնը թէ՛ գոյն ունի. — Ուրիշ ինչն՞ զիտի աչք գոյնով. — Ի՞նչն է ծիծեռնակները մտնող կը փախին եւ անհողմներ կը մնան:

Հարցումներ պատկերի վրայ (Գիտքը բաց).— Թ՞նչ ցոյց կու տայ պատկերը. — Ձիւնը ո՞ր տեղերը ծածկեր է. — Ի՞նչ է խաչ հրոյ շիւնը. — Ծառերուն վրայ թէ՛ն կը պակսի:

4. ՆՈՐ ՏԱԲԱՏՍ

Երբ վեց տարեկան եղայ, մայրիկս ատուն կանուխ եկաւ անկողնիս մօտ, և ըսաւ.


— Արտաւանգդ, ելիր շուտով, հայրդ ազուորը նուէր մըն է բերեր քեզի:

Խենթի պէս վար ցատկեցի անկողինէս և վազեցի հայրիկիս քով:

Հայրիկիս նուէրը նոր նոր տաքատ մըն էր, և ես դեռ տաքատ չէի հագած:

— Համբուրէ հօրդ ձեռքը, ըսաւ մայրիկս, ու նայէ որ տաքատդ մաքուր պահես:

Ուրախութենէս՝ հայրիկիս վիզը ցատկեցի, յետոյ մայրիկիս ալ:



Երբոր տաքատը հագայ, ինծի անանկ երեւցաւ որ ալ մեծ մանչ մը եղած եմ: Կ'ուզէի որ ընկերներս զիս տեսնեն այդ տաքատով: Ամէնքն

այ պիտի փափաքէին որ ինծի պէս հազուաժ
բլլան :

Յերեկին՝ վերջապէս մայրս թողուց որ դուրս
ելեմ :

Վաղելով ելայ տունէն , շուտ մը ընկերներս
գտնելու համար :

Բայց ահա Նանօն , մեր դրացիին շունը ,
նստեր էր արեւին տակ :

— Նանօ , ըսի , նայէ տաքատս , ես այ մեծ
մանչ եղայ . իսկ դո՛ւն , անպիտան , դեռ տաքատ
չունիս :

Կ'ուզէի որ Նանօ դիտէ տաքատս և հաւնի
անոր , բայց անպիտանը կարեւորութիւն անդամ
չէր տար :

Այն ստեն՝ փայտ մը առի , և Նանօին աղ-
ուոր հարուած մը տայէ վերջ պիտի փախչէի ,
բայց ժամանակ չունեցայ :

Չար շունը շուտ մը ինծի դարձաւ , և ակ-
ռայի մէկ հատիկ հարուածով մը թէ տաքատիս
կտորը հանեց և թէ միսս արիւնեց :

Վէրքս կը ցաւէր , բայց ես աւելի կը ցաւէի
իմ առածին տաքատիս համար , որուն վրայ
Նանօի ակռաները խոշոր ծակ մը բացած էին :

Հարցումներ նիւթին վրայ (Գիրքը գոց) . — Արտաւոր ի՞նչ սու-
քիս նոր օտրտ մը նուր տեսցաւ . — Տարտակն գտաւ ուրիշ ի՞նչ սեւակ հա-
զուսներ ունի՞մ . — Նանօն իրտունի ունե՞ր Արտաւորի օտրտը պատնիւր .
— Ինչո՞ւ . — Արտաւորի ձեռքը ի՞նչ ըսին , երբ պատած օտրտով օտն
դարձաւ :

Հարցումներ պատկերին վրայ (Գիրքը բաց) . — Ի՞նչ տեսցուցած
է՞ն Նանօին վրին . — Դիմի՞ն վրայ խոնի՞ գոյն կայ . — Ականջները ի՞նչ մեռ
ունին . — Ո՞ր սուրբներուն վրայ նստած է :

5. ԿՈՏՐԱԾ ԱՊԱԿԻՆ

Յակոբ շատ խելօք տղայ մը չէ , բայց ամէն
մարդ կը սիրէ զինքը , որովհետեւ սուտ չի
խօսիր :

Երբ ուսուցիչը կը հարցնէ իրեն . — «Յակո՛բ,
դո՞ւն ըրիր ատիկա» , — զիտէ որ Յակոբ միշտ
ճշմարիտը պիտի ըսէ :

Առջի օր , Յակոբ և ընկերները գնդակ կը
խաղային , երբ յանկարծ Յակոբի գնդակը գնաց
նպարավաճառին ապակիին զարնուեցաւ :

Ապակին կտորեցաւ , բայց ոչ ոք տեսաւ թէ
Յակոբի գնդակէն կտորած էր :

Նպարավաճառն այ որ խանութէն դուրս
վազած էր , չէր գիտեր թէ ո՛վ է կտորողը :

Բայց այդ միջոցին անկէ կ'անցնէր Մինաս ,
որ չար տղայ մըն էր , և որուն վրայ կարելի էր
կասկածիլ :

Նպարավաճառը կարծեց թէ ան է ապակին
կտորողը և զայն բռնեց :

Մինաս կը պոռար կը կանչէր թէ ինք
չէ , բայց ուրիշ ատեններ այնքա՛ն սուտ կը

խօսէր որ նպարավաճառը շէր ուզեր հաւատալ :
Խեղճ Մինաս աղուոր ծեծ մը պիտի ուտէր :



Բայց Յակոբ շուտ մը թողուց ընկերները , և
նպարավաճառին քով երթալով , ըսաւ .

— Մի ծեծէք Մինասը , զիս ծեծեցէք անոր
տեղ , որովհետեւ ապակին ես կտորեցի անու-
շաղըութեամբ :

Հարցումներ նիւթին վրայ (Գիրքը գոց). — Ինչո՞ւ էլը սիրին Յա-
կոբը . — Ի՞նչ պատահեցաւ զնոյսի խաղաղած ասեկնին . — Ո՞վ էր Մինաս և
ինչո՞ւ նպարավաճառը չի հաւատար անոր խօսքին . — Ի՞նչ պիտի զգար Յա-
կոբ՝ երբ քողար որ Մինաս ծեծ ուտի իրեն տեղ . — Ըսիք թե՛ նպարավաճառը
ծեծե՞ց Յակոբը :

Հարցումներ պատկերին վրայ (Գիրքը բաց). — Բանի՞ տղայ կը
տեսնուի պատկերին մէջ . — Ի՞նչ հագած են . — Ի՞նչ կ'ընէ գետին ծոածը . — Երբ
անոնցմէ երկուքը երբան՝ քանի՞ տղայ պիտի մնայ . — Իսկ երբ ուրիշ երկու
տղայ անոնց միանան՝ քանի՞ հոգի պիտի ըլլան :

6. Ն Ե Յ Ո Ի Կ Ը

(ԱՐՏԱՍՍԵՆՈՒԹԻՒՆ)

Վարդատունկ մը , ազատասէր ,
Պարտիզպանին օր մը կ'ըսէր .
— «Ո՛հ , փրկէ զիս , շատ կ'աղաչեմ
Սա հաստ փայտէն խոժոռաղէմ
Որ քովս ի վեր
է տնկըւեր :

Այ իմ ոյժերս , ս'վ պարտիզպան ,
Ինձ կը բաւեն , ի՞նչ պէտք պաշտպան :
Ինքնիրենս , արեւին տակ
Կ'ուզեմ ծաղկիլ ես շիփ շիտակ » :

Պարտիզպանն հագիւ փայտն հանեց քովէն ,
Վարդատունկն ինկաւ , կտորեցաւ հովէն :



7. ՄԿՆԻԿԻՆ ԽԵԼՔԸ

Մկնիկ մը իր մազոտ քիթը դուրս հանեց պատին ծակէն, և վախով նայեցաւ չորս կողմը: Խեղճը անօթեցեր էր և դուրս ելլել կ'ուզէր,



բայց կը վախնար որ կատուն հոն կ'ըլլայ: Իրաւ ալ հոն էր մեր փխիկը, պլորուեր նստեր էր, ինք ալ կերակուրի կը սպասէր:

«Եկ՛ւր, իմ սիրունիկ մկնիկա, եկուր խաղանք միասին», ըսաւ փխիկը:

Բայց մկնիկը դուրս չելաւ: «Եկ՛ւր, ըսաւ նորէն փխիկը, սիրտս կը նեղանայ, և խաղի ընկեր մը կը փնտռեմ»:

Փխիկը քանի՛ լեզու կը թափէր, մըկնիկն ալ այնքան զրուխը կ'երերցնէր ու լեզու կը հանէր:



«Ի՛նչ ալ անուշ կը խօսիս, փխիկ քուրիկ, ըսաւ վերջապէս: Բայց մոռցեր ես որ հայրիկս ու մայրիկս դեռ նոր նոր խեղդեցիր: Եթէ դուրս ելլեմ, զիս ալ պիտի խեղդես անոնց պէս»:

Յետոյ, զլուխը ծակէն ներս քաշեց և գնաց եղբորը պատմելու կատունն տուած պատասխանը:

Հարցումներ Յիւրից վրայ (Գիրքը գոց). — Մկնիկը ինչո՞ւ ծակէն դուրս ելլել կ'ուզէր. — Որով կը վախնար. — Ինչո՞ւ կը վախնար. — Ո՞վ կար այնտեղ եւ ի՞նչ կար. — Ի՞նչ տեսակ կենդանի է մուկը:


Հարցումներ պատկերից վրայ (Գիրքը բաց) Ա. Պատկեր. — Ի՞նչ կը տեսնուի պատկերին մէջ. — Աղջիկը ինչո՞վ կարգած է մուկերը. — Ո՞ր մտնով ըսած է փխիկին վրայ. — Միւս մտնը ո՞ւր է: Բ. Պատկեր. — Ի՞նչ կ'ընեն մկնիկները:

1002
ԿԻՅԵ

8. Ա. Դ. Ա. Մ. Ա. Ն. Դ. Ը

(ԱՐՏԱՍԱՆՈՒԹԻՒՆ)

- «Ո՛հ, ինչ շքեղ աղամանդ... Մինչ սա քարն է անպիտան...»:
- «Ո՛չ, աղամանդ մ'է ան ալ, ձիշտ միւսին պէս պատուական. Բայց մէկն՝ անտաշ տակաւին, Միւսն յրդկըւած է արդէն»:
- «Հայր, կ'ուզեմ որ անոր պէս Ձիս ալ յղկեն ու կրթեն»:



9. ԱՌԱՋԻՆ ՀՈՎԱՆՈՅԸ

Մարկոս կանուխ ելեր է քունէն, դպրոց պիտի երթայ, բայց սատանորդի անձրեւը կ'իջնէ ու կ'իջնէ :



Հինգ վայրկեան, տասը վայրկեան, քսան վայրկեան : Ժամանակն է կ'անցնի, և անձրեւը չի դադրիր :

Բայց ահա մայրիկը հովանոց մըն է բերեր ու կ'ըսէ .

— Ա՛ռ, Մարկոս, վազէ դպրոց, բայց զգուշացիր հովէն որ հովանոցդ չդարձնէ :



Մարկոս փողոցն է արդէն ու կը փութայ դպրոց : Անձրեւը կու գայ միշտ, բայց որո՛ւ հոգ, հովանոցը բաց է :

Ի՞նչ աղուոր է, երբ վրայէդ անձրեւը կ'իջնէ ու դուն չես թըշիր :

Հպարտ, հպարտ կը քայլէ Մարկոս. կարծես մեծ մարդ մըն է եղեր : Այ հոգը չէ որ անձրև կու գայ :



Բայց ի՞նչ եղաւ : Մարկոսի դէմքը ալ ուրախ չէ : Շիտակ ալ չի քայեր . կարծես գինով է, կ'երերայ, և հովանոցն ալ իրեն հետ :

Խենթուկ հովը փախցուցեր է խեղճ Մարկոսին ուրախութիւնը . պըրը, կ'ընէ ու կը փչէ, այնքան ուժով կը փչէ, որ Մարկոս չի կրնար ոտքի վրայ կենալ :

Անպիտան հովանոցն ալ կարծես խօսք մէկ ըրեր է հովին հետ, փախիլ կ'ուզէ Մարկոսի ձեռքէն :

«Բաթ, չաթ, բաթ, չաթ, բաթ, չաթ...»

Հովանոցին թելերն են որ կը կոտորին :

Պըրը, կը փչէ հովը նորէն և հովանոցը կը դառնայ : Մարկոսի գլխարկն ալ կը թռի գլխէն : Իսկ անձրևը միշտ կ'իջնէ :

Ահա Մարկոս տուն կը դառնայ : Որչնփի հպարտ էր մեկնած ատենը, և որչնփի տխուր է վերադարձած ատենը :

Անձրեւը չէ դադրած դեռ, և Մարկոս մուկի պէս թըշեր ու ցեխոտեր է :

Աղուորիկ հովանոցն ալ ձևէ ելեր՝ բանի մըն ալ չի նմանիր :

Ի՞նչ պիտի ըսէ արդեօք մայրիկը :



Բայց մայրիկը բարի է :

— Հոգ չէ, տղաս, կ'ըսէ, գիտեմ որ չար հովը ըրաւ, բայց մի տրամիր. վաղը դուն կը մեծնաս, կ'ուժովնաս, և խենթ հովը ալ չի կրնար հովանոցդ դարձնել :

Հարցումներ նիւթին վրայ (Գրքը գոց).—Ի՞նչ սեսակ առաւիյա է հովանոցը, ի՞նչ մասեր ունի, ո՞վ կը շինէ գայն.—Միևակ անձրելի՞ հասար կը գործածենք գայն.—Ո՞րն է այն քնակարանը որ հովանոցի կը նմանի:

Հարցումներ պատկերներուն վրայ (Գրքը բաց). — Պատկերներուն նկատելով պատկերիցի Մարկոսի գլխուն նկածը:

10. ԲԱՐԻ ԱՆՁՐԵԻԸ

Ահա երկինքը ամպոտեր է, գետինը թրջեր է, ծառերու տերեւներէն ջուր կը կաթի, պակիներուն վրայէն կաթիլներ կը սահին:



Անձրեւն է որ կուգայ, ու կը հարցնէ.

- Ո՞վ կը սիրէ անձրեւը:
- Ե՛ս, կ'ըսէ խոտը:
- Ե՛ս, կ'ըսեն բոլոր ծաղիկները:
- Ե՛ս, կ'ըսէ գետակը:

— Ե՛ս, կ'ըսեն բոլոր թռչունները:

— Ե՛ս, կ'ըսէ մեղուն:

— Ե՛ս, կ'ըսէ տանտիկին մայրիկս:

Այն ատեն՝ անձրեւը կը սկսի գալ առատ առատ :

— Որչափ առատ գաս, այնքան պիտի աղուորնայ իմ կանանչ դոյնս, կ'ըսէ խոտը :

Ծաղիկները բարձրացուցեր են իրենց գեղեցիկ գլուխը և կ'ըսեն.

— Շնորհակալ ենք, բարի անձրեւ, դուն մեզ աւելի գեղեցիկ կը դարձնես:

— Անձրեւի իւրաքանչիւր կաթիլ ինձի կ'օգնէ որ մեծ գետ մը դառնամ, կ'ըսէ գետակը:

— Անձրեւը կուգայ, ծառերը կը ծաղկին, պտուղները կը հասնին, լաւ կերակուր պիտի ունենանք, կ'ըսեն թռչունները:

— Ահա ծաղիկները պիտի աղուորնան և իրենց հիւթը պիտի համովնայ, կ'ըսէ մեղուն:

Իսկ մայրիկս փառք կուտայ, ըսելով.

— Բարի Աստուածը այսօր ալ անձրեւ դրկեց մեզի: Հորերուն մէջ ջուրը պիտի շատնայ, կանանչեղէն-



ները պիտի հասնին, պտուղները առատ պիտի ըլլան, և իմ աշխատասէր գաւախներս համով կերակուր և անուշ պտուղներ պիտի ունենան :

Ս,յսպէս՝ ամէնքն այ ուրախ են որ անձրեւ կու գայ :

Հարցումներ Գիւրջի վրայ (Գիւրջ գոց). — Ըսիք թէ խոտը, ծաղիկները, գետակը, բոցումները, մեղուն եւ սանձիկին մայրիկը ինչո՞ւ կ'ուրախանային որ անձրեւ եկաւ. — Ի՞նչ տարբերութիւն կայ գետի մը եւ գետակի մը մէջ. — Գետակը ինչպի՞ս գետ կը դառնայ անձրեւի կարիւնով :

Հարցումներ պատկերներու վրայ (Գիւրջ բաց): Ա. Պատկեր. — Ի՞նչ բանջարեղեններ կը տեսնուին պատկերին մէջ: Բ. Պատկեր. — Ի՞նչ ծաղիկ է: Գ. Պատկեր. — Ի՞նչ ծաղիկ է. — Բուն ծաղիկին գաս ինչո՞ւ կը տեսնուին պատկերին վրայ. — Ի՞նչ ձու ունի բացումը: — Ի՞նչ գոյն կ'ըլլայ. — Հապա տեսնու՞մքը:

11. ԿԸՏ ԿԸՏ, ԹՕԲ ԹՕԲ

«Կըտ, կըտ, կըտ, կըտ կըտանք...»

— Ի՞նչ է ան, նապաստակ եղբայր, ո՞վ կը պոռայ կըտ կըտանք...

— Մի շփոթեցներ զիս, չար տղայ, չէ՞ս տեսներ որ ԴԱՅԼԱՅԼԻԿ կը կարդամ:

«Կըտ կը տանք, կը տանք...»:


— Ի՞նչ է ան, սագ եղբայր, ո՞վ կը պոռայ կըտ կը տանք...

— Սը՛ստ, ձայն մի հաներ, հաւ քուրիկն է որ կը պոռայ:

«Կըտ կը տանք, կը տանք...»

— Ի՞նչ է ան, աքլոր եղբայր, ինչո՞ւ հաւ քուրիկը կը պոռայ կըտ կը տանք, կը տանք...

— Հաւկիթ է ան, կը տանք, կը տանք, կըտ կըտանք:



«Թօք, թօք, թօք թօքթօք...»

— Ի՞նչ է ան, նապաստակ եղբայր, ո՞վ կը պոռայ թօք թօքթօք...

— Է՛, երկայն ըրիւր, ձգէ որ ԴԱՅԼԱՅԼԻԿս կարդամ:

«Թօք, Թօք, Թօք ԹօքԹօք...»

— Ի՞նչ է ան, սագ եղբայր, ո՞վ կը պոռայ Թօք ԹօքԹօք:




— Սը՛ստ, մի վախցնեը, պգտիկ վառեակն է որ կը պոռայ:

«Թօք, Թօք, Թօք ԹօքԹօք...»

— Ի՞նչ է ան, աքլոր եղբայր, ինչո՞ւ պգտիկ վառեակը կը պոռայ Թօք, Թօք ԹօքԹօք...

— Կճեպը կոտրեց և դուրս ելաւ հաւկիթէն, Թօք, Թօք, Թօք ԹօքԹօք:



Կըտ կըտ, ըրաւ հաւ քուրիկը և հաւկիթը աճեց, կըտաք, կըտ կըտաք...

Թօք Թօք, ըրաւ պգտիկ վառեակը և կճեպը կոտրեց, Թօք, Թօք, Թօք ԹօքԹօք...

Ճիւ ճիւ, կ'ընէ հիմայ և կոտուցն է բացեր, ճիւ, ճիւ ճիւճիւ...

Ուտելիք կ'ուզէ, որ մեծնայ և ընէ կըտ, կըտ, կըտաք, կըտ կըտաք...

Եւ հաւկիթ աճէ:

Հարցումներ նիւթին վրայ (Գիրքը գոց). — Ի՞նչ շեց տղան, ի՞նչ հարցոց, ի՞նչ ըսին իրեն նապասակը, սագը ու ախորը. — Ո՞ր կը գտնուի նապասակը. — Ի՞նչ տղան ունի միւսները. — Հաւկիթը ինչպէ՞ս կը գործածենք. — Ե՞րբ կը ներկենք գայն և ի՞նչ գոյնով:

Հարցումներ պաւկերներուն վրայ (Գիրքը բաց) Ա. Պատկեր. — Ո՞րն է ախորը, ո՞րն է նապասակը, ո՞րն է սագը, ո՞րն է հաւը. — Ի՞նչ կ'ընեն. — Ախորը նապասակին եւ սագին ո՞ր կողմը կեցած է. իսկ հաւի՞ն. — Սագը ի՞նչ է բացեր. — Նապասակին դուռնին վրայ ինչե՞ր կան:

12. Ա Մ Պ Ե Ր Ը

Երբոր երկինքը նայիր՝ հարկաւ կը տեսնէք ամպերը: Անոնք կամ բոլորովին ճերմակ են և կամ գորշ գոյն մը ունին:

Նայեցէք ուշադրութեամբ, և պիտի տեսնէք որ իրարու ետեւէն կը վազեն՝ ճամբուն վրայէն անցնող զառնուկներուն պէս:

Հոմն է որ կը տանի դանոնք, աշնան ուժով հովը, որուն ձայնը կը լսենք շատ անգամ:

Ինչպէս որ հովիւը ոչխարները կը տանի, անանկ ալ հովը ամպերը կը տանի:

Հովը ամպերուն հովիւն է:

Այդուր չէ երկինքը՝ երբ ամպերը կը ծածկեն գայն: Սպասենք ուրեմն որ անցնին անոնք, և երկինքը տեսնենք առանց ամպի:

Ահա հոմն ու ամպերը անցան գացին, և երկինքը կ'երեւայ պայծառ ու կապոյտ:

Ի՞նչ ազուր է, նայեցէք, լաւ նայեցէք, որով-

հետեւ հիմայ նորէն հով կ'ելլէ և նոր ամպերով
կը ծածկէ երկինքը :



Աշուն է հիմայ, և երբ աշունը սկսի, ամ-
պերը շուտ շուտ կուգան, իրարու ետեւէ, և
երկինքը միշտ կապոյտ չի մնար :

Հարցումներ ճիւրին վրայ (Գիրքը գոց). — Ամպերը ի՞նչ գոյն
ունին. — երկինքը ի՞նչ կ'ըլլայ, երբ ամպերը կը ծածկեն զայն. — երբ ամ-
պերը երբևէ երկինքը ի՞նչ գոյն ունի. — Ի՞նչ տարբերութիւն կայ սեւին ու
գորշին մէջ. — Ի՞նչու հովին «ամպերու հովիւ» կ'ըսենք :

Հարցումներ պատկերին վրայ (Գիրքը բաց). — Ի՞նչ կը տեսնեմք
պատկերին մէջ. — Ամպերը ո՞ր են. — Որո՞նք են մեծ ծառերը. — Որո՞նք են
պզտիկ ծառերը. — Ի՞նչ անուն կու տան պզտիկ ծառերուն :



13. ԻՄ ՀՈԼՍ

(ԱՐՏԱՍԱՆՈՒԹԻՒՆ)

— «Դարձիր, իմ հոյս, մի՛շտ դարձիր,
Դարձիր նորէն, հա՛ դարձիր,
Եթէ դառնայէ դադրիս,
Պիտի տանջեմ քեզ, հողիս» :

Իմ հոյս է ինձ հընազանդ,
Եւ կը դառնայ աստ ու անդ,
Սա մտրակէս կը վախնայ,
Որ զինք ծեծէ անխընայ :



14. ՀԱԻԵՐՈՒՆ ԶԱՐՄԱՆՔԸ

(ՎԱՐԺՈՒԹԻՒՆ ԱՌԱՆՑ ՆԻԹԻ)



Հարցումներ.—Ի՞նչ կրեկիև երկու հաւերը.—Ինչի՞ վրայ նստած էին.— Ինչպէ՞ս եղաւ որ հաւերէն մէկը թնաւ հաւկիթ յգտաւ և միւսը երկու հաւկիթ գտաւ.—Ինչո՞ւ զրոհեցաւ հաւկիթը:

Ուսուցիչներուն.—Կը խնդրուի այս վարժութեանց մէջ, որոնք տեղի պիտի ունենան զիրքը բաց, օգնել աշակերտներուն Համանման վարժութեանց առարկայ կրնան դառնալ նաև գիրքին կցուած գունաւոր յաւերուած-պատկերները:


15. ՄԻՀՐԱՆ ՆԿԱՐԻՉ ՊԻՏԻ ԸԼԼԱՅՑ

Միհրան նկարիչ պիտի ըլլայ: Երբ ձեռքը թուղթ ու մատիտ անցնի, անմիջապէս կը նստի պատկեր կը շինէ:



Պզտիկ եղած ատենն ալ Միհրան միշտ սիրած էր գծագրութիւնը: Գծած պատկերները շատ ճիշտ չէին, բայց գծելով գծելով Միհրան վարժուեցաւ, և հիմայ բաւական կը յաջողի:

Շատ անգամ թուղթը կը հատնի, բայց Միհրանի մատիտը հանդարտ չի կենար: Մուկի մը պէս կ'ոստոստէ, մէյ մը հոս, մէյ մը հոն,



և քիչ մը ամէն տեղ պատկերներ կը գծուին:

Օր մը, իր դասագիրքին էջերը սեւցուցեր էր, և վարժուհին զինքը յանդիմանեց, պատուիրելով որ գիրքը մաքուր պահէ:

Բայց երէկ՝ Միհրանի թուղթը նորէն հատեր էր : Փնտուեց , փնտուեց , բան չգտաւ :


Այն ատեն՝ մատիտը առաւ և պատը սեւ ցուց մէկ կողմէն միւսը , կենդանիի պատկերներ գծելով :

Պատկերները այնքան աղուոր էին , որ Միհրան կը ցատըրտէր ուրախութենէն :

Բայց իր ուրախութիւնը շատ չտեւեց : Մայրը յանկարծ ներս մտաւ սենեակէն , և տեսնելով եղածը , աղուոր մը պլորեց Միհրանի ականջները :

Հարցումներ Եւրփին վրայ (Գերբը գոց). — Ի՞նչ է Ակարիչը. — Վարժուհին ինչո՞ւ յանդիմանեց Միհրանը. — Ինչպիսի պէտք է պահել դասագիրքերը. — Միհրանի ականջները ինչո՞ւ պորուեցան :

Հարցումներ պատկերներուն վրայ (Գերբը բաց). — Ա. Պատկեր. — Ի՞նչ բան կը պակսի գծուած դիմքին վրայ: Բ. Պատկեր. — Միհրան քանի՞ կենդանի գծած է պատին վրայ. — Ի՞նչ կենդանիներ են :



16. ՄԵՂՈՒՆ ԵՒ ԹԻԹԵՌԸ

(ԱՐՏԱՍԱՆՈՒԹԻՒՆ)

— «Եթէ օդը գեղեցկանայ» ,
Կ'ըսէր թիթեռ մը սիրունիկ ,
«Եթէ օդը գեղեցկանայ ,
Դաշտերուն մէջ՝ հեզիկ հեզիկ՝
Պիտի խաղամ մարգին վրայ» :

— «Ու ես» , ըսաւ մեղուն քովէն ,
«Պիտի իմ գործս շարունակեմ ,
Եթէ օդը գեղեցկանայ» :



17. Թ Ռ Չ Ո Ւ Ն Ի Ն Բ Ո Յ Ն Ը

(ՎԱՐԺՈՒԹԻՒՆ ԱՌԱՆՑ ՆԻՒԹԻ)



Հարցումներ.— Բանի՞ մանց կայ պատկերին մեջ եւ ֆանի՞ աղջիկ. — Ինչե՞ն կը զանազանիք զանոնք. — Ինչո՞ւ քիչեւ հագուստներ հագած են. — Ի՞նչ կը դիտեն. — Ուրի՞նչ առած են զիրենք հետաքրքիր առարկան. — Ինչո՞վ եւ ի՞նչ կերպով շինուած է:

Առուակին վրայ



18. ԽԵՂՃ ՍՏԱՄՈՒՔԱԸ

Շատակեր տղաք մինակ ուտելու խմելու հոգ կը տանին :

Բայց չի բաւեր միայն ուտել . ուտելէ ետք պէտք է մարսել , և մարսելու համար ալ՝ պէտք չէ շատ յոգնեցնել ստամոքսը :

Դոյլ մը ջուրը ծանր բեռ մըն է այս գիրքը կարգացող տղոց համար . չեն կրնար զայն տանիլ : Չափազանց կերակուրն ալ այդ դոյլով ջուրն է ստամոքսին համար . չի կրնար զայն տանիլ :

Եթէ բռնի՝ «տանր» ըսես , շուտ մը կը տկարանայ . և հազիւ թէ ստամոքսդ տկարացաւ , շուտ մը կը հիւանդանաս :

Ասանկ փորձանք մը եկաւ խեղճ Ղուկասի գլխուն :

Ղուկաս շատակեր չէր , բայց անուշեղէնը շատ կը սիրէր :

Կ'ուտէր , կ'ուտէր , և նորէն կ'ուզէր : Յետոյ նորէն կ'ուտէր , և նորէն կ'ուզէր :

Երբ հայրը իրեն դրամ տար , շուտ մը շաքարավաճառին կը վազէր , և անուշեղէն մը գնելով մը լափէր :

Այնքան ախորժակով կ'ուտէր որ կարծես շաքաթ մը ամբողջ բերանը բան չէր դրած :

Եւ եղաւ, ինչ որ պիտի ըլլար: Ղուկասի ստամոքսը յոգնեցաւ, տկարացաւ: Օր մըն ալ Ղուկաս հիւանդ ինկաւ և պառկած մնաց անկողնին մէջ:

Յետոյ բժիշկը եկաւ, քննեց զայն, և զուլսը երերցնելով ըսաւ.

— Խեղճ ստամոքսը ի՞նչ յանցանք ունէր որ այսչափ յոգնեցուցեր է. ամիս մը պէտք է որ առողջանայ. և ամբողջ ամիս մը, միայն զեղ ու քիչ մը կաթ պիտի խմէ:

Ղուկաս այդպէս ամբողջ ամիս մը հիւանդ պառկեցաւ, ու շատ ցաւ քաշեց:

Բայց ամէնէն աւելի նեղուեցաւ անոր համար որ ամբողջ ամիս մը բնաւ անուշեղէն չկրցաւ ուտել:

Հապա ղեղը: Չէ՞ք հարցներ թէ ինչ զեղ էր իրեն տրուածը: Լեղի, լեղի, այնքան լեղի, որ սատանան անգամ բերանը պիտի թթուեցնէր եթէ ուտէր:

Եթէ Ղուկաս անուշեղէնը չափով կերած ըլլար, այս փորձանքը չպիտի գար գլխուն:

Քիչ պիտի ուտէր, բայց ամէն օր պիտի ուտէր, և հիւանդ չպիտի պառկէր:

Հարցումներ ճիւրիմ վրայ (Գերբը գոց). — Ինչո՞վ կը մարսենք կերակուրը. — Ինչո՞ւ պիտի է գոռոշտեանք վարուիմք ստամոքսին հետ. — Ինչպէ՞ս եղաւ որ Ղուկաս ամբողջ ամիս մը չկրցաւ անուշեղիկ ուտել, հիւանդ պառկեցաւ եւ շեղի դեղ խմեց:

19. ՄՆԱՓՍՈՒ ՎԱՌԵԱԿՆԵՐԸ

«Ճիւ, ճիւ, ճիւ, ճիւ»:

Վառեակները զեռ նոր ելեր են հաւկիթէն, բայց արդէն իսկ մեծ տիկինի հովեր առեր են:

«Ճիւ, ճիւ, ճիւ, ճիւ»:



Ի՞նչ ալ գոռոզ են: Ահա հպարտ հպարտ իրենց շուրջը կը նային, տեսնելու համար որ իրենց հաւասարող կենդանի մըն ալ կը գտնուի:

«Կան, կան, կառի, կառի»:

Գորտ մը յանկարծ անոնց մօտ ցատկեց:

— Ո՛ւֆ, ի՛նչ տգեղ կենդանի, ըսին վառեակները :

— Ի՛նչ խոշոր աչքեր...

— Ի՛նչ ծուռիկ ոտքեր...

— Ի՛նչ անշնորհք մարմին...

— Եւ ի՛նչ խռպոտ ձայն, կ՛ան, կ՛ան, կառի կառի...

— Մ ի՛նչդեռ մենք կ'ընենք՝ ճիւղ, ճիւղ, ճիւղի ճիւղի...

— Մեր աչքերն ալ ազուոր են...

— Մեր փետուրներն ալ...

— Մեր գլուխը սիրունիկ է...

— Եւ մեր քիթն ալ նուրբ :

Ս,յն ատեն՝ գորտը անոնց դարձաւ և ըսաւ.

— Վառեակ քուրիկներ, շատ մի՛ հպարտանաք, շատ ալ մի՛ գոռոզնաք. ամէն մարդ պէտք



է գոհ ըլլայ իր վիճակէն և ուրիշներու վրայ չծիծաղի :

«Ես ալ հորաքոյր մը ունէի որ ձեզի պէս անափառ էր, մարդու չէր հաւնել :

«Օր մը, մի՛նչդեռ գետին եզերքը նստեր էինք, կով մը տեսաւ, խոշոր, շատ խոշոր կով մը, և ըսաւ ինձի .

«— Սա կովն ալ կը կարծէ թէ ինք մեծ կենդանի մըն է. մի՛նչդեռ ես, եթէ ուզեմ, կըրնամ իրմէ աւելի խոշորնալ :

«Եւ սկսաւ ուռենալ, ուռենալ, նորէն ուռենալ :

«Խեղճ հորաքոյր, շատ անափառ էր, ի՛նչ ընէր :»

— Վե՛րջը, հարցուցին վառեակները՝ հետաքրքրուած :

— Վերջը սա եղաւ որ ուռեցաւ, ուռեցաւ, ու մէյմըն ալ՝ բա՛թ... Խեղճ հորքուրիկս ճաթեցաւ :

Հարցումներ Եւրօպիոյ վրայ (Գիտք 4-րդ). — Վառեակը ինչպէ՛ս կը ծնի. — Ո՞վ է իր հայրը. ո՞վ է իր մայրը. — Գորտը ի՞նչ տեսակ կենդանի է. — Մի՛նչակ զիսկի՞ վրայ կ'ապրի քի ուրիշ տեղ ալ. — Ի՞նչ էր պատահել գորտին հորաքոյր :

Հարցումներ պատկերներուն վրայ (Գիտք 4-րդ). — (Բ. Պատկեր). — Ինչե՛ր կը տեսնուի պատկերին մէջ :

20. ԱՇՈՏԻՆ ԵՐԱԶԸ

Աշոտի էն մեծ թերութիւնն է անմաքրութիւնը. ուրիշ թերութիւններ ալ ունի, բայց հիմայ անոնց խօսքը չընենք :

Առտուն՝ երբ անկողինէն ելլէ, չի լուացուիր անմիջապէս, չի հագուելիր, ոչ ալ կը ձգէ որ մայրիկը մազերը սանտրէ :



Երբոր մայրը պնդէ, կը կենայ կուլայ: Նայեցէք իր պատկերին, և խոստովանեցէք որ անկարելի է իրմէ աւելի անշնորհք տղայ մը երեւակայել :

Իր եղունգներն ալ միշտ սեւ ու աղտոտ են, որովհետեւ կտրել չի տար մայրիկին, ու ձեռքերն ալ չի լուար :

Առջի գիշեր, Աշոտ պոռալով արթնցաւ քունէն :

— Հասէք, ազատեցէք զիս, կը ճուար լալով: Մայրը իր քով վազեց շուտ մը: Խեղճ կինը շատ դող ելած էր :

— Ի՞նչ է ան, Աշոտ, ի՞նչ եղար, ինչո՞ւ վախցար, հարցուց :

Այն ատեն, Աշոտ պատմեց թէ երազին մէջ սոսկալի բան մը տեսած էր :

Տեսածը իրեն պէս պզտիկ տղայ մըն էր, և այդ տղուն մազերը այնքան երկար էին որ մինչեւ ոտքերը կը հասնէին: Կարծես ծնելէն ի վեր բնաւ չէր կտրած ու չէր սանտրած զանոնք:

Բայց Աշոտի վախ տուողը այդ մազերը չէին: Երազին մէջ տեսած տղան խոշոր, շատ խոշոր եղունգներ ունէր: Փուշերու պէս տնկուած էին մատուրներուն ծայրը, և մայրիկին ասեղներուն պէս սուր էին:

Աշոտ անանկ կարծած էր որ այդ տղան իրեն կը մօտենայ և իր սուր եղունգները իր միտը պիտի խոթէ: Ահա ասոր համար վախցած ու արթնցած էր:



— Բայց տղաս, ըսաւ մայրիկը, դուն ալ քու մազերդ չես սանտրեր, և եղունգներդ կտրել չես տար:


«Ինչպէս որ դուն վախցար՝ այդ տղան տեսնելով երազիդ մէջ, անանկ ալ ընկերներդ կը վախնան, քեզ իրենց քով տեսնելով:

«Անոնք քեզ չեն սիրեր և քեզմէ կը փախչին:»

Հարցումներ Գիւրգեն վրայ (Գիւրգեն գոց). — Ի՞նչ տեսակ տղայ եր Աշոտ. — Ի՞նչ տեսաւ երազին մէջ, և ինչո՞ւ վախցաւ. — Կրկնեցի՞ք Աշոտի մայրիկին ըսածները, և ըսի՞ք թե Աշոտ անկի ետք ի՞նչ պիտի ընէ:

21. ՀԱԻԿԻԹԻՆ ԿՈՂՈՎԸ

(ՎԱՐԺՈՒԹԻՒՆ ԱՌԱՆՑ ՆԻԻԹԻ)



Հարցումներ. — Ահա Մանուկ եղնաբանը դրե՞ր է պատին դիմ եւ վեր կեցի՞ր. ի՞նչ պիտի ընէր. ի՞նչ պատահեցաւ. ի՞նչ եղաւ հաւկիթին կողովը. ի՞նչ եղան հաւկիթները. եղնաբանը ի՞նչ եղաւ. ինչո՞ւ Մանուկ այրափոխուե՞աւ է. ի՞նչ կը վազի դիմին ու բազումներէն:

22. ՔՕԹՕԹՆ ՈՒ ԲՐԴՈՏԸ

Քօթօթն ու Բրդոտը մեր սիրականներն են և մեր տան մէջ կը բնակին: Քօթօթ՝ մեր շունն է, Բրդոտ՝ մեր կատուն:



Բայց շատ գէշ ընկերներ են երկուքն ալ: Երբ Բրդոտին կերակուր կու տանք, Քօթօթ

և իր ձագը չեն թողուր որ ուտէ: Իսկ երբ Քօթօթին կերակուր կու տանք, Բրդոտն է որ կ'երթայ անոնց կերակուրը կը լափէ:

Եւ ահա կուիւ մըն է կը սկսի: Քօթօթ աղուոր ակոսներ ունի, լաւ կը խածնէ: Բրդոտ սուր ճանկեր ունի, լաւ կը ճանկէ: Շուտով երկուքն ալ կը ճուան:

Ամէն անգամ որ Քօթօթն ու Բրդոտը կը կուռին, կը վազեմ կ'երթամ իրենց քով: Այնքան զուարճալի են երկուքն ալ, որ իրենց կզուրտիլը տեսնելով, կը մարիմ խընդալէն:

« Միաւ », կ'ընէ Բրդոտը,



և ճանկը կը նետէ: « Հաւ, հաւ », կ'ընէ Քօթօթը և Բրդոտին թաթը կը խածնէ:

Այսպէս կը կուռին ամէն օր, շատ անգամ գիշերներն ալ:

Բայց այս գէշ ընկերները շատ օգտակար

անասուններ են: Ես երկուքն ալ կը սիրեմ, որովհետեւ իրենց տրուած կերակուրին փոխարէն լաւ կը ծառայեն մեզի:

Քօթօթ կը հսկէ մեր տան վրայ. շատ քաջ շուն մըն է, և գողերը կը վախնան իր գտնուած տեղը մտնելու:

Իսկ Բրդոտ՝ մուկերուն թշնամին է, չի թողուր որ անոնք իրենց ծակէն դուրս ելլեն և մեզի վնաս հասցնեն:



Երբ Քօթօթն ու Բրդոտը կը կուռին, հայրիկս ինձի ցոյց կուտայ զանոնք ու կ'ըսէ.

— Ձի բաւեր մաքուր կամ աշխատասէր ըլլալ. պէտք է լաւ ընկերներ ըլլալ: Ով որ ընկերոջը հետ լաւ վարուի, իրեն հետ ալ լաւ կը վարուին:

Հարցումներ նիւթին վրայ (Իրօք գոց). — Ի՞նչ սեսակ ընկերներ են Քօթօթն ու Բրդոտը: — Ի՞նչ ծառայութիւններ կը մատուցանեն մեզի. — Ինչո՞ւ պիտի հ շաւ ընկերներ ըլլալ. — Երբ գող սեսակ՝ շունը ի՞նչ կ'ընէ. — Հապա փիսիկը՝ երբ մուկ մը սեսակ:

Հարցումներ պատկերներուն վրայ (Իրօք բաց): Ա. Պատկեր. Ի՞նչ սեսակ առարկաներ կը սեսակի պատկերին մէջ. — Բրդոտը ինչի՞ մէջէն կ'ուտէ կերակուրը. — Ո՞ւր կը գտնուի այդ առարկան: Բ. Պատկեր. — Քանի՞ հոգի կը սեսակին պատկերին մէջ. — Ո՞վ կ'ընան ըլլալ: Գ. Պատկեր. — Բրդոտ ո՞ր ոտով կը ճանկէ Քօթօթի այլը. — Քօթօթ Բրդոտի ո՞ր քարը խածնէ հ:

23. ՏՂՈՒՆ ՔԱՁԸ ԿԸ ՍԻՐՈՒԻ

(ԱՐՏԱՍԱՆՈՒԹԻՒՆ)

Օր մը , Պետրոս , վազելով
 քարի մը զարնըւեցաւ :
 Անփորձ էր , բայց քաջասիրտ .
 բընաւ չը յայտնեց իր ցաւ ,
 Շարունակեց իր խաղը ,
 որպէս զի մօրն իր բարի
 Սրտիկը զող ելլելով ,
 հանգիստը չը խանգարուի :
 Ճակտին վրայ ուռեցք մը կար .
 ինք կը խնդար անտարբեր ,
 «Բան մը չը կայ» , ըսելով՝
 լալկան քոյրը կը խաբէր :

— «Ապրիս , տըղաս , ըսաւ հայրն ,
 այդ ուռեցքովդ , իրան որ ,
 Քաջութեանդ ապացոյց ,
 դուն կ'երեւաս շատ ազուոր» :



24. ԿԱՐԹԸ ԵՒ ՁԿՆԻԿՆԵՐԸ

Ձկնորսները կարթը իջեցուցեր էին ծոփն
 ի վար : Ասեղին ծայրն ալ ազուորիկ որդ մը
 դրեր էին :

Ձկնիկները՝ որդը տեսան թէ չէ , բերաննին
 բացին և վազեցին վրան : Ամէնքն ալ կը նայէին
 որ առաջ հասնին և որդը իրենք լափեն :

Բայց մայր ձուկը կեցուց զանոնք :

— Գոցեցէք բերաննիդ , ըսաւ անոնց , նախ
 հասկցէք թէ ի՞նչ է , և վերջը կերէք :

— Մայր , ըսին ձկնիկները , ազուորիկ որդ
 մըն է . բարի մարդիկ վար իջեցուցեր են որ
 ուտենք :

Մայր ձուկը խնդաց իր պարզամիտ ձագե-
 րուն վրայ , և ըսաւ .

— Տղաքս , մարդիկ ձեզ սիրելնուն համար
 չէ որ վար իջեցուցեր են այս որդը : Եթէ ու-
 շաղրութեամբ նայիք՝ պիտի տեսնէք որ որդը
 ասեղի մը անցուած է : Կլլելնուդ պէս , ասեղը
 բերաննիդ պիտի մտնէ , և ահա ձեզ վեր պիտի
 քաշեն :

— Բայց մեզ ի՞նչ պիտի ընեն , մայր :

— Պիտի ստկեն , տապակին մէջ պիտի դնեն
 և իւզով պիտի տապկեն :

— Ու տապկելէ վերջ . . .

— Տապկելէ վերջ ալ փառաւոր մը պիտի ուտեն . ձեր փուշերն ալ փիսիկին պիտի տան որ ան ալ խնջոյքէն բաժին ունենայ :



Այս որ լսեցին , ձկնիկները շուտ շուտ փախան որդին քովէն :

Բայց մայր ձուկը կանչեց զանոնք և ըսաւ .

— Ինչո՞ւ կը փախիք , եկէք , դեռ ըսելիք ունիմ : Այս որդին մէկ կտորը կրնաք ուտել : Մի դպչիք այն մասին որ ասեղին պլլուած է . բայց անկէ վար երկարող մասը զգուշութեամբ կրնաք փրցնել և ուտել :

Յետոյ , մայր ձուկը թևովը ցոյց տուաւ ուտուելիք մասը : Ձկնիկները փրցուցին այդ կտորը և աղուոր մը կերան :

Ձկնորսները դեռ կը սպասեն որ ձուկ բռնեն : Կարթը միշտ լեցուն վար կ'իջնէ և պարապ վեր կ'ելլէ :

Ձկնիկները ազատեցան , որովհետև հնազանդեցան իրենց մօրը :

Հարցումներ նիւթին վրայ (Գիրքը գոց) Ի՞նչ ճեսակ առարկայ է կարքը . — Ինչո՞վ շինուած է , ի՞նչ մասեր ունի . — Ուրիշ ի՞նչ բանով ձուկ կ'որսան . — Ձկնիկները ի՞նչ շահեցան իրենց մօրը հնազանդելով :

Հարցումներ պատկերին վրայ (Գիրքը բաց) . — Քակի՞ ձուկ կայ պատկերին մէջ , — Ո՞րն է մայր ձուկը , ո՞րն է հայր ձուկը , որո՞նք են պզտիկները . — Ինչո՞ն ճանցաք զսնունք . — Կարքին ո՞ր մասերը կ'երեւան . — Ո՞րն է ասեղը . — Ո՞րն է որդը . — Ո՞րն է որդին ուտելիք մասը :

25. ԱՆՀՆԱԶԱՆԴՈՒԹԻՒՆ

Աշունը եկեր էր , ծառերուն տերևները սկսած էին թափիլ , անձրև կու գար , խոտերը




կը դեղնէին , և օդը օր օրի աւելի ցուրտ կը դառնար :

Մայր նապաստակն ու հայր նապաստակը նստեր կը խօսէին :

— Գիտե՞ս , կ'ըսէր մայր նապաստակը , այսօր

լրագիր մը անցաւ ձեռքս, նստայ կարգացի. որսի եղանակը սկսած է, գրեր էին. վաղը միւս օր շատ մը որսորդներ պիտի գան այս կողմը:



— Վնիս, ըսաւ հայր նապաստակը, նորէն ծակ ու ծուկ պիտի փախչինք, և չպիտի կրնանք ազատ ազատ պտտիլ անտառին մէջ: Հապա մեր պղտիկը...: Խեղճը դեռ անփորձ է, կը վախնամ որ գլխուն փորձանք մը գայ:

— Հոգ մի՛ ըներ, ըսաւ մայր նապաստակը, հիմայ պիտի կանչեմ և խրատ պիտի տամ որ զգուշութիւն ընէ:

Չագուկ նապաստակը նստեր կը կարգար:

— Եկուր, իմ սիրունիկ ձագուկս, ըսաւ մայր նապաստակը:

Ու պղտիկ սատանորդին ցատկըտելով մօրը քով վազեց:

— Եկուր, և խոշոր խոշոր բաց ականջներդ որ լաւ մը մտիկ ընես, ըսաւ մայրը:



Փոքիկ խաւնարածը

Ձագուկը ականջները խաղցուց, հասկը-
ցընելով որ ուշադրութեամբ մտիկ կ'ընէ :

Եւ ահա թէ ինչ ըսաւ մայր նապաստակը .

— Աղուորիկ ձագուկս, գիտցած ըլլաս, որ-
սորղներ պիտի գան այս կողմերը, պէտք է
զգուշանաս :

«Դուն դեռ պզտիկ ես, չես գիտեր թէ
որսորդը ինչ է :

«Որսորդը չար մարդ մըն է որ շատ կը սիրէ
նապաստակի միտը :

«Ձեռքը հրացան մը ունի,
որուն գնդակը եթէ քեզի հան-
դիպի, անմիջապէս կը մեռցնէ :

«Ասկէ գատ, շուն մըն ալ
կ'ունենայ, և այդ անպիտան
կենդանին աւելի վտանգաւոր
է : Շատ անգամ որսորդը չի
կրնար լաւ նշան առնել և քեզ
սպաննել, բայց շունին հոտառութիւնը սուր է,
շուտով կը գտնէ պահուած տեղդ, և ականջ-
ներէդ խածնելով տիրոջը կը տանի :

«Քեզի խրատ ըլլայ, մեր քովէն չբաժնուիս,
և մինակդ չպտտիս : Վերջէն կը զղջաս :

Անցան օրեր, որսորդներ եկան, նապաս-
տակներուն քէյֆը աւրուեցաւ : Ալ չկային ազատ
համարձակ պտոյտները . զողը մտած էր սրտեր-
նին, կը վախնային խեղճերը :



Գիշեր մըն ալ, ձագուկ նապաստակը երևան
չելաւ :



Առտուն՝ կամացուկ մը փախեր էր ծնողքին
քովէն : Շատ հետաքրքիր էր . ու-
զած էր տեսնել թէ ի՞նչ տեսակ
մարդ է որսորդը : Բայց հազիւ ան-
տառին մէջ՝ ճամբուն վրայ ելեր
էր, բաՓ . . . հրացանն է պայթե-
ցաւ, և գնդակը փորը մտաւ :

— Ա՛յ, ա՛յ, պոռաց նապաս-
տակը, ուղեց փախչիլ, բայց վի-
րաւորուած էր, չկրցաւ : Յետոյ շունը եկաւ
խածաւ ականջներէն, և տարաւ տիրոջը յանձ-
նեց :

Ա՛յն իրիկունը, նապաստակը սանին մէջ
դրին, աղուոր մը եփեցին ու կերան :

Խեղճ ծնողքը կու լան դեռ :

Հարցումներ Երեւանի վրայ. (Գրքը գոց). — Ի՞նչ է որսորդը, ի՞նչ
կորսալ, ի՞նչ կըրնենք որսացած կենդանիները. — Աշնան մէջ ի՞նչ կըրնան
ծառերը, խոտերը, ծաղիկները, օդը. — Ձագուկ նապաստակը ինչո՞ւ սպան-
ուեցաւ :

Հարցումներ պատկերներու վրայ (Գրքը բաց). — Ա. Պատ-
կեր. — Ինչպէս տեսնուեցաւ որ եղանակին նշանն են. — Ի՞նչ գոյն ունին
այդ տեսիլները. — Առաջ ի՞նչ գոյն ունեցին. — Միջ մըն ալ Լ՞որ պիտի
բռնակին. — Ուրիշ ինչո՞ւ պիտի բռնակին անոնց հետ :

(ՎԱՐԺՈՒԹԻՒՆ ԱՌԱՆՑ ՆՈՒԹԻ)



Հարցումներ. — Բանի՞ աղջիկ կան պատկերին վրայ. — Ճիշդ բռ-
նալ որ կողմը կը գտնուի, ա՞յ թէ ձախ. — Ճիշդ մը վրայ ինչո՞ւ կը գր-
նուին. — Կեսիկը ինչո՞ւ ծածկուած է. — Ինչո՞ւ չենք տեսներ աղջիկներուն
աջերը. — Ծառերը Լ՞որ կը ծաղկին, և ծաղկեցի վերջ ի՞նչ կուտան մեզի :



27. ԼՍ.ԼԿԱՆ ՊԷՊԷՆ

(ԱՐՏԱՍՍԱՆՈՒԹԻՒՆ)

Դէ, դէ, տան, տան, պօ, պօ, թիւ...
 Կը ճըրճըրայ Արշաւիր,
 Մարդուն սիրտը կը ճաթի.
 Թէ կրնաս՝ բան հասկցիր :

Ճոր, ճոր, պար, պար, հոպպալայ...
 Օրրէ, երգէ, յոգնէ դուն,
 Պէպէն կուլայ ու կուլայ
 Ճըրճըրալով, միշտ արթուն :

Ինչ գլխու ցաւ, ինչ փորձանք,
 Ահա նորէն կը ճըչէ,
 Գիշեր, առտու թէ ցերեկ,
 Խենթենալը բան մը չէ :

Քուրիկներըս իմ երկու,
 Մագթաղինէն ու Շուշան,
 Կը սիրեմ ես : Թէ ինչո՞ւ՝
 Նայեցէք, միշտ կը խընդան :



28. — ՍՍՏԱՆՈՐԴԻ ԱՂՈՒԷՍԸ

(ԱՌԱՋԻՆ ՊԱՄՈՒԹԻՒՆ)

Աղուէսը անօթեցեր, լեզուն դուրս ձգեր
 կը պտտէր : Աչքերը
 արթուն, ախանջ-
 ները սրած, կը նա-
 յէր թէ ուրկէ՞ պիտի
 գայ որսը :

Բայց հաւերը
 փախեր պահուրտեր
 էին հաւնոցին մէջ,
 բազերը մտեր էին



Հուրը , սագ տատիկն ալ կը հսկէր հաւնոցին մօտ , որ ձայն տայ տնեցիներուն :



Սով էր խեղճ աղուէսին համար . կը վախնար որ անօթի կը մեռնի . քիչ էր մնացեր որ նստի լայիը վիճակին վրայ :

Սոված աղուէսը այդպէս յուսահատ կը պտտէր , երբ յանկարծ տեսաւ ագուաւը , որ պանիրի խողոր կտոր մը կտցեր կը թռցընէր :

Աղուէսին աշուրները շողացին . ինչ համով պանիր էր արդեօք ագուաւին գողցածը :

— Բախտաւոր է անպիտանը որ թեւերունի , մտածեց . կը գողնայ ու կը թռչի . եթէ այդ թևերը իմա ըլլային , ես ամբողջ աշխարհը կը թալլէի :

Յետոյ , ուրիշ բան մը անցաւ միտքէն .

— Եթէ ան թևեր ունի , ես ալ խելք ու-

նիմ , մտածեց , նայինք կրնանք սա պանիրը մենք ուտել :

Ու ձայն տուաւ ագուաւին .

— Է , ինծի նայէ , ագուաւ քուրիկ , ո՞ւր կը վագես ատանկ . մէյ մը կեցիր . . .

Բայց ագուաւը կենալու միտք չունէր :

— Գործ ունիմ , չեմ կրնար , ըսաւ :

Եւ գնաց ծառի մը վրայ թառեցաւ :

Աղուէսը շուտ մը վագեց հասաւ ծառին տակ : Ագուաւը պանիրը ճիւղի մը վրայ դրեր՝ լաւ մը սեղմեր էր ոտուրներով , վախնալով որ վար կ'իյնայ :

— Ագուաւ քուրիկ , ըսաւ աղուէսը , մէյ մը չկեցար որ խօսէինք :

— Այդքան կարեւոր էր ըսելիքդ :

— Շատ կարեւոր , ագուաւ քուրիկ . . . առջի



օր նստեր էինք քանի մը ընկերներ , երբ սոխակ մը եկաւ մեր մօտ . . . անախտանը կ'ըսէր թէ իրեն չափ աղուոր երգող թռչուն չկայ ամբողջ աշխարհի մէջ . . . բայց անդիէն գայլը պնդեց թէ ինք լսած է քու երգելդ , և թէ դուն ես ամէնէն աղուոր երգող թռչունը . . . կռիւ մըն է փրթաւ . . . իսկ ընկերներս սոխակին իրաւունք տուին . . .

— Վերջը , հարցուց ագռաւը , որ գայլին գնահատութիւնը լսելով , սկսած էր հպարտանալ :

— Վերջը սա եղաւ որ , ըսաւ աղուէսը , քիչ մնաց ծեծկուէին . . . տեսայ որ գէշ պիտի ըլլայ , մէջերնին մտայ և ըսի . . . ինչո՞ւ կը կռուիք , ես կ'երթամ կը գտնեմ ագռաւը , երգել կու տամ , կուգամ ձեզի կ'ըսեմ թէ ո՞վ ամէնէն լաւ կ'երգէ . . . բոլորն ալ հաւանեցան , և ահա եկեր նստեր եմ այստեղ , ահանջներս բացած կը սպասեմ . . . երգէ , ագռաւ քուրիկ , երգէ որ ընկերներուս վէճը վերջ գտնէ . . .

Տխմար ագռաւը հաւատաց աղուէսին խօսքերուն :

— Գայլը իրաւունք ունի , ըսաւ , պիտի տեսնես որ յիմար սոխակը իմ կէսիս չափ անգամ չի կրնար երգել :

Եւ սկսաւ իր անախորժ ձայնով կրկնալ .

— Կան , կան , կուն , կուն . . .

Ոտուրներով ալ չափ կու տար երգին :

Աղուէսը վարէն՝ աչուրները պանիրին՝ կը սպասէր .

— Օ՛հ , ի՞նչ անուշ երգ , ի՞նչ անուշ երգ , կ'ըսէր , երգէ , ագռաւ քուրիկ , երգէ , ցատկէ , սոխակը ոչ թէ քու կէսիդ , քառորդիդ չափ ալ ձայն չունի :



Եւ ագռաւը կը շարունակէր ցատկերտել ու կրկնալ :

Բայց մինչդեռ այդպէս կը ցատկերտէր , պանիրն է սահեցաւ ինչպէս աղուէսին կոնակին վրայ :

Յիմար ագռաւը դեռ երգը չէր վերջացուցած , երբ աղուէսը արդէն իսկ լափեր էր պանիրը , որ բերնին շողիքները վաղցնէր , ու կը հեռանար կ'երթար՝ ըսելով .

— Շատ աղուոր կ'երգես , ագռաւ քուրիկ , շատ աղուոր . . . բայց հաւատա՛ որ պանիրը աւելի աղուոր էր . . .

Հարցումներ Երբեք գոց . — Ի՞նչ տեսակ կենդանիներ են աղուէսն ու ագռաւը . — Ի՞նչ տարբերութիւն ունին իրարու . — Ի՞նչ կենդանիներու թշնամի է աղուէսը . — Ագռաւը ո՞ր եղանակին կու գայ մեր մօտ . — Ի՞նչ գոյն ունի , ի՞նչ կ'ուտէ :

Հարցումներ պատկերներուն վրայ (Գիրք բաց) . — Ա. և Գ. Պատկերներ . — Ագռաւը ի՞նչ կ'ընէ Բ. պատկերին մէջ . — Ի՞նչ կ'ընէ Գ. պատկերին մէջ . — Հապա աղուէսը . — Ագռաւն եւ աղուէսն զո՞ս ուրիշ ինչե՞ր կան պատկերներուն վրայ :

29. ՄԻՀՐԱՆ ՊԱՏԿԵՐ ԿԸ ԳԾԷ

Միհրան միշտ պատկեր կը գծէ, բայց ալ պատերը չի սեւեցներ. ալ մինակ թուղթի վրայ կը գծէ, և մայրիկն ալ չի պատժեր զինքը:

Նայեցէք, ի՞նչ դիւրութեամբ կը գծէ:

Ահա շիտակ գիծ մը քաշեց, տակէն ալ կոր գիծ մը, յետոյ՝ վրայէն՝ ուրիշ պզտիկ կոր գիծ մը, դրաւ նաև ոտքեր, սեւցուց գծածը, և թռչուն մը ելաւ մէջտեղ:



Միհրան առաւ ուրիշ թուղթ մը, և կոր գիծ մը գծեց:

Ըսէք թէ ուրիշ ի՞նչ գիծեր քաշեց որ պատկերը նմանեցաւ սագի:



Ահա ուրիշ շիտակ գիծ մըն ալ գոր Միհրան քաշեր է թուղթին վրայ: Այս անգամ՝ հաւ մը պիտի գծէ:

Ի՞նչ գիծեր քաշեց որ յաջողեցաւ:



Միհրան գոհ է որ պատկերները կը յաջողին: Հիմայ մատիտը նորէն ձեռքն է, գլուխը կախեր կը գծէ:


Նայեցէք պատկերին, ըսէք թէ ի՞նչ գծեց, և ի՞նչ գիծերու պէտք ունեցաւ այդ պատկերը գծելու համար:



Մայրիկը տեսաւ պատկերները, ուրախացաւ և շօքօլայի խոշոր կտոր մը տուաւ Միհրանին: Բայց Միհրան աշխատասէր է, կ'ուզէ շարունակել:

Ահա դուրսէն ձի մը կ'անցնի սուրալով: Միհրան ալ ձի մը պիտի գծէ: Քանի մը վայրկեան վերջ՝ պատկերը պատրաստ է:

Ինչպէ՞ս եղաւ որ Միհրան այդքան շուտով գծեց ձին:



Հիմայ Միհրան սև ու այլանդակ պատկեր մըն է շիներ: Հաստ թաթեր, պզտիկ ականջներ, խոշոր գլուխ, կարճ պոչ: Ի՞նչ կենդանի

է աս , կենդանիներու զոր տեսակին կը պատկա-
նի , մորթը ինչով ծածկուած է , ինչի՞ կը ծա-
ռայէ :

Միհրան ինչպէ՞ս գծեց զայն :



Միհրան զեռ ուրիշ անգամ ալ պատկերներ
պիտի գծէ , և նոր պատկերներ :

Ուսուցիչներուն.—Այս դասին առջին ուսուցիչները կրնան զիծերու
ճեասակին եւ յատկութեանց մասին սարտական ծանօտութիւն մը տալ աշակեր-
ներուն, նկատի առնելով անոնց ըմբռնողութեան աստիճանը:

30. Չ Ի Ն

Ընտանի կենդանիներուն ամէնէն օգտա-
կարներէն մէկն է ձին :

Մարգար հօրեղբայրը դէմի գիւղը պիտի եր-
թայ . ճամբան հեռու է , և ինք ստիպուած է
շուտով հասնիլ : Բայց հոգը չէ . կը ցատկէ ձիուն
վրայ և կը հեռանայ արագ արագ : Մարգար
հօրեղբայրը թէ՛ շուտ կը հասնի , և թէ՛ չի յոգնիր :

Երէկ՝ գիւղը հիւանդ մը ունէինք . պէտք էր
շուտով բժիշկ հասցնել , և բժիշկ գտնելու հա-
մար մինչև մօտի քաղաքը երթալ պէտք էր :

Շուտ մը ձին կառքին լծեցինք , և բժիշկը հա-
սաւ ճիշտ ատենին :

Կիրակի օրը՝ Մարգար հօրեղբայրը երկու
խոշոր սակառներ կը դնէ ձիուն վրայ , մենք ալ
սակառներուն մէջ կը մտնենք , և ձին մեզ կը
պտտցնէ գիւղին բոլորտիքը :




Շատ բարի կենդանի մըն է ձին , բայց երբ
չար տղաք կ'երթան իր պոչը կը քաշեն , այն
ատեն կը բարկանայ և արագի կը զարնէ : Վայ
է եկեր արագին ուսողին գլխուն : Եթէ չմեռնի՝
շիտակը շատ բախտաւոր է :

Ձին ինքզինքը իր ետեւի ոտքերով կը պաշտ-
պանէ : Անօթի գայլեր երբ իր վրայ յարձակին ,
արագիի մէկ հատիկ հարուածով մը կը սպաննէ
զանոնք :

Մարդար հօրեղբայրը ձին պայտարներու կը տանի և անոր ոտուրներուն պայտ գամել կուտայ, որպէս զի սմբակները քարերուն քսուելով չմաշին:

Կենդանիներուն մէջ ձին գրեթէ մարդոց ամէնէն հին բարեկամն է: Հին ատենուան մարդիկը շատ շուտ հասկցած են ձիուն օգտակարութիւնը և դայն ընտանեցուցած են:



Ձին շատ կը սիրէ իր տէրերը: Երբոր գանոնք տեսնէ՝ անուշ ձայնով մը կը վրնջէ:

Արարական ձիերը ամէնէն ազնիւ տեսակներէն են: Երբեմն, անապատին մէջ, իրենց տէրը կ'իյնայ կը մեռնի, և իրենք չեն հեռանար անոր քովէն. անօթի կը մեռնին ու չեն բաժնուիր իրենց տիրոջմէն:

Շատ տեղեր՝ ձիուն միսը կ'ուտեն:

Ձին արագ վազող կենդանի մըն է: Մարդիկ կան՝ որոնք ձին կը մեծցնեն մի՛ միայն վազցնե-

լով իրարու հետ մրցել տալու համար: Այդ տեսակ ձիերը ամէնէն ազնիւ տեսակներէն կ'ընտրուին և հարիւրաւոր ոսկիներ կ'արժեն:



Հարցումներ ճիւրիւն վրայ (Գիրքը գոց). — Բանի՞ տեսակ ընտանի կենդանի գիտի. ի՞նչ օգուտ ունի մեզի. — Ձիուն ո՞ր մասին պայտ կը գամեն. ինչո՞ւ — Ո՞ր կը գամե պայտը. — Ի՞նչ տեսակ առարկայ է. — Սանձը ի՞նչ է. — Ինչո՞ւ համար ձին կը սանձեն. — Անապատը ի՞նչ է:


Հարցումներ պատկերներու վրայ (Գիրքը բաց). — Ա. Պատկեր. — Ո՞ր կը գտնուի միտքը. — Բանի՞ հաս են. — Ի՞նչ կ'ընեն. — Ի՞նչի մեջ են կ'ուտեն. — Բ. Պատկեր. — Ի՞նչ կը տեսնի պատկերին մեջ. — Գայտը ինչո՞վ պողպակ վեր նետուցաւ: Գ. Պատկեր. — Ի՞նչ է եղեր Արարը. — Ինչո՞ւ կեցեր է մին. — Ո՞ր կը գտնուի երկուսն ալ:

31. ԱՆՏԱՌԻՆ ՄԷՉ

(ՎԱՐՃՈՒԹԻՒՆ ԱՌԱՆՅ ՆԻՒԹԻ)



Հարցումներ. — Գանի՞ ծեսակ կենդանիներ կը գտնուին պատկերին մեջ. — Ուրիշ ինչն՞ր կան. — Ի՞նչ գիտե՞ս այդ կենդանիներուն վրայ:



մուլիկ



32. ՊԱՐՏԷՉԻՆ ՄԷՉ

(ԱՐՏԱՍԱՆՈՒԹԻՒՆ)

Ծառուղիին խորը թաց
Որ աւազով է ծածկըւած,
Երկու սիրուն աղջիկներ՝
Կատարինէն ու Վերգին՝
Երկար բարակ կ'աշխատին,
Շինեն փոքրիկ ածուներ:

Եղանակն է տաք, գարնան...
Երբ օրն ըլլայ իրիկուն,
Ցնցուղ մը ջուր պարպելով
Լըրացընեն գործերնին,
Ու կը պոռան միասին.
«Մայրիկ, եկ՛նուր, տես շուտով»:

33. Ա Ս Տ Ղ Ե Ր Ը

Գիշեր է, մութը ծածկեր է ամէն կողմ. հինգ տասը քայլ հեռուէն իրար չենք տեսներ:

Ո՞ւր են այն շէնքերը որոնք կ'երեւային ցերեկը, երբ լոյս էր: Ո՞ւր են նաև ծառերը, բոյսերը: Ամէնքն ալ իրենց տեղն են, բայց չենք կրնար տեսնել զանոնք, որովհետև մութը իջեր է անոնց վրայ:

Պատկերներով ծածկուած թուղթի մը վրայ կարծես սև մելան թափեր է. բոլոր պատկերներն ալ թուղթին վրայ են, բայց չեն տեսնուիր:

Երկինքն ալ որ պայծառ կապոյտ էր, անստեփ սև է: Բայց պզտիկ լոյսեր կան անոր վրայ, և այնքան շատ, որ կարելի չէ զանոնք համրել:

Երբոր անոնց նայինք՝ հազիւ գնդասեղի գլխու մը չափ մեծ կ'երեւան: Բայց անոնք մեր աշխարհէն աւելի խոշոր են:

Քանի առարկայ մը մեզմէ հեռացնեն, այնքան պզտիկ կ'երեւայ մեզի: Աստղերն ալ մեզմէ շատ հեռու են, և ատոր համար է որ այդքան պզտիկ կ'երեւան:

Իրենց լոյսն ալ արևին լոյսին չափ զօրաւոր է, բայց տկար կ'երեւայ, որովհետև արեւէն շատ հեռու կը գտնուի:

Որպէս զի աստղերը տեսնենք՝ պէտք է որ օրը իրիկուն ըլլայ, մութը իջնէ, գիշերը սկսի:

Առաջ ամէնէն մօտը գտնուող աստղերը կը տեսնենք. յետոյ ամէնէն խոշորներն ալ. կը սկսինք համրել՝ մէկ, երկու, ե-

րեք, հինգ, տասը, բայց անա շուտով ամէնը մէկ կը տեսնուին և ալ չենք կրնար համրել զանոնք:

Ատտուն, արեւին առաջին ճառագայթները երեւալուն պէս, ամէնքն ալ չեն տեսնուիր: Գիշերն ալ՝ թեթեւ ամպ մը անգամ կը ծածկէ զանոնք:

Բայց չկարծէք որ երբ աստղերը չեն տեսնուիր՝ անոնց լոյսը կը մարի: Արեւին պէս՝ աստղերուն ալ լոյսը չի մարիր:



Հարցումներ Եւրօպիայի վրայ (Գերբը գոյ).— Ինչո՞ւ հեռուն գտնուող աստղայ մը պզտիկ, եւ մօտը գտնուող աստղայ մը մեծ կ'երեւայ.— Ե՞րբ կը հասնի գիշերը.— Ի՞նչ փոփոխութիւններ կ'ըզան գիշերը.— Ի՞նչ կը պակսի գիշերը եւ ի՞նչ կը վստեմք այդ պակասը գտնու հասար.— Ինչո՞ւ արեւին լոյսով սասդեր չեն տեսնուիր:

Հարցումներ պակսեցիկ վրայ (Գերբը բայ).— Բանի՞ հոգի կը տեսնուի պակսեցիկ մէջ.— Մանչը ո՞ր կեցիւր է. իսկ աղջիկը ո՞ր կողմը.— Ի՞նչ յոյց կուտայ հայրենին.— Բանի՞ սասդեր կը տեսնուին:

34. ՄԱՏԱՆՈՐԴԻ ԱՂՈՒՏԱՐ

(ԵՐԿՐՈՐԴ ՊՍՏՄՈՒԹԻՒՆ)

Գիշեր մը աղուէսը մեր դրացի Մարիամ խաթունին հաւնոցը մտեր, հաւերը խեղդեր, լաւ մը կշտացեր էր և իր որջը կը դառնար, երբ ճամբան ծարաւցաւ :



Անպիտանին չար բախտէն ալ ճամբուն վրայ ոչ գետ կար, ոչ աղբիւր : Քանի շարաթէ ի վեր անձրեւ չէր եկած և բոլոր փոսերը չոր էին :

Աղուէսին հոգին կ'ելլէր ծարաւէն, լեզուն դուրս էր ձգեր, կը հեւար ու կը հեւար, երբ յանկարծ շունչ առաւ :

Ջրհոր մը տեսած էր : Մուխը շատոնց իջած էր, բայց աղուէսին աչուրները՝ կատուին աչուրներուն պէս՝ մուխին մէջ ալ կը տեսնէին :

— Փնօք Աստուծոյ, ազատեցանք, ըսաւ, վագեց հասաւ ջրհորին մօտ, ցատկեց նստաւ եզերքը և պոչը մէջը երկնցուց, հասկնալու համար որ ջուրը շատ էր թէ քիչ :

Երբ պոչը դուրս քաշեց՝ չոր էր :

— Էհ, ըսաւ, շատ ջուր չկայ որ պոչս չը թրջեցաւ, ցատկենք վար :

Եւ մէկ ոստումով ջրհորն ի վար ցատկեց :

Բայց օրը ձախորդ էր աղուէսին համար : Ջրհորը շատ խորունկ էր, և քիչ մնաց որ ոսկորները կտորտին :

Եթէ ամէնը ատ ըլլար՝ աղուէսը նորէն փառք պիտի տար : Ջրհորն ալ չոր էր : Սատանորդին քիթը ամէն կողմ պտտցուց, բայց ջուրի կաթիլ մը անգամ չգտաւ :

Դողն է մտաւ աղուէսին փորը : Ջրհորին պատը բարձր էր, աղուէսը չէր կրնար վեր ցատկել և օձիգը ազատել :

— Հապա եթէ գիւղացիները գան և զիս հոս տեսնեն, կը մտածէր, խերս կ'անիծեն : Այ մոռցած էր ծարաւը, ազատելու միջոց մը կը խորհէր :

Առտու եղաւ, արեւը ծագեցաւ, լոյսը տարածուեցաւ ամէն կողմ, և աղուէսը կը մնար ջրհորին մէջ : Տխուր էր խեղճը :



— Վերջս հասաւ, կը մտածէր :

Յանկարծ մօրուսաւոր գլուխ մը ցցուեցաւ ջրհորին բերանը : Աղուէսին սիրտը դփրտաց . կարծեց որ մարդ մըն է, և արդէն իսկ ինքզինքը մեռած կը նկատէր, երբ վերէն, գլուխը սկսաւ խօսիլ .

— Է՛հ, աղուէս եղբայր, շուր կայ վարը :



Շունչ առաւ աղուէսը : Երևցողը այժ մըն էր, որ ծարաւած ըլլալով շուր կը փնտռէր :

Մատանորդի աղուէսը, հագիւ վախէն ազատած, շուտ մը գտաւ իր փնտռած միջոցը :

— Պատուական շուր կայ, այժ եղբայր, ըսաւ, հաւատա որ կեանքիս մէջ այսքան անուշ շուր չէի խմեր :

Այժը լսեց թէ չէ, շուտ մը ցատկեց վար : Շատ ծարաւցած էր խեղճը, և աղուէսին խօսքերը բոլորովին աւելցուցած էին իր ծարաւը :

Բայց հագիւ թէ վար իջած էր, աղուէսը անոր կռնակը ցատկեց, յետոյ կոտորներուն վրայ ելաւ, և այնտեղէն ալ նետուեցաւ ջրհորէն գուրս, ըսելով .

— Դուն կեցիր, այժ եղբայր, և ծարաւիդ համար հոգ մի ըներ : Խօսք կուտամ որ շուր գանելուս պէս քեզի համար ալ պիտի խմեմ :

Տխմար այժը որ աղուէսէն խաբուեցաւ, դեռ ջրհորին մէջն է, ծարաւէն մեռնելու վրայ :

Հարցումներ Եւրօպայի վրայ (Գիտք 409).—Որքը ի՞նչ է. — Որո՞նք որի մէջ կը բնակին. — Որո՞նք բոյնի մէջ կը բնակին. — Աղուէսը ինչո՞ւ պոչը ջրհորին մէջ իջեցուց. — Ի՞նչ հասկցաւ այդ միջոցով. — Ինչո՞ւ գետնի փոսերը չոր էին. — Աղուէսը ինչպէ՞ս կրցաւ երկը ջրհորէն :

Հարցումներ պատկերներուն վրայ (Գիտք 409).—Ա. Պատկեր. — Ինչո՞ւ կը զանազանի մտքին մէջ : Բ. Պատկեր. — Ի՞նչ ցոյց կուտան երեք տեսարանները :

35. ՄԱՐՏԻՐՈՍԻՆ ՔԻԹԸ

Չէք մեղքնար սա խեղճ Մարտիրոսը :

Ամէնըդ ալ գիտէք որ շատ աշխատասէր տղայ մըն էր, միշտ առաջին կ'ելլէր իր դասերուն մէջ : Բայց շարունակ կը յանդիմանուէր վարժուհիէն :

Մարտիրոս լաւ տղայ մըն էր, բայց խոշոր թերութիւն մը ունէր : Մատը միշտ քիթին մէջն էր, քիթը կը խառնէր :

Մէկ քանի անգամ վարժուհին ըսաւ իրեն .

— Մարտիրոս, մի՛ ըներ, մոռցիր այդ աղտոտ սովորութիւնը, վերջէն պիտի գղջաս . . . աղտոտ մատուրներդ քիթիդ մէջ խոթելով, օր

մը վէրք մը պիտի բանաս հոն, և պիտի չարչարուես... մայրիկդ ինչո՞ւ



քեզի թաշկինակ կուտայ... թաշկինակը քիթիդ համար է... միայն անբաղաբավար մարդիկը քիթերնին մատով կը խնջեն կամ քիթերնին կը խառնեն:

Մարտիրոս քիչ մըն ալ յամառ էր, շուտով չէր համոզուեր:

Յամառ ըլլալուն՝

խօսք մտիկ չըրաւ, շարունակեց խառնել քիթը, խառնեց, խառնեց, մինչեւ որ վարժուհիին ըսածը եղաւ: Վէրք մը ելաւ քիթին մէջ, և քիթը ուռեցաւ:

Ընկերները կը գանէին իրմէ, և հեռու կը փախչէին:

Խեղճ Մարտիրոս շատ տխուր էր, բայց իրաւունք չունէր գանգատելու, որովհետեւ ինք, մինակ ինք էր ատոր պատճառը:



Օր օրի քիթը ուռեցաւ, այնքան ուռեցաւ, մեծցաւ, խոշորցաւ ու ծանրցաւ որ չէր կրնար

տանիլ զայն: Գլուխը վար կը ծռէր անոր ծանրութենէն:

Հայրը ստիպուեցաւ պզտիկ սայլակ մը շինել տալ, և Մարտիրոս՝ մինչև որ աղէկցաւ, այդ սայլակով կը կրէր իր քիթը:

Ընկերները կը խնդային իր վրայ, կը ծաղրէին իր քիթը:

Այդ փորձանքը պիտի գա՞ր գլխուն, եթէ վարժուհիին խօսքը մտիկ ըրած ըլլար:

Հարցումներ ներքին վրայ (Կիրթը գոյ). — Ի՞նչ պատահեցաւ Մարտիրոսի. — Մարտիրոս ինչո՞ւ չ'որցաւ օգտուիլ վարժուհիին խրատին. — Ի՞նչ բան է բաշկինակը. ինչի՞ շինուած է, միակ անո՞ւսի կ'ըլլայ, ինչի՞ կը գործածուի. — Սայլակը կա՞նք ո՞ր տեսակին պզտիկն է:

Հարցումներ պատկերներուն վրայ (Կիրթը բաց). — Մարտիրոս ի՞նչ կ'ընէ երկու պատկերներուն մէջ. — Առաջին պատկերին մէջ Մարտիրոս ո՞ւր է, տ՞ուր քի փողոցին մէջ. — Իսկ երկրորդ պատկերին մէջ. — Ինչի՞նչ կը հասկնամ:



36. ՄԱՄԻԿՆ ՈՒ ԻՐ ԽՈՉԸ
(ՎԱՐԺՈՒԹԻՒՆՆԵՍՈՒՆՑ ՆԻԹԻ)



Հարցումներ.—Ի՞նչ կը տեսնեմ պատկերին մեջ.—Ի՞նչ տեսակ կենդանի է խոզը.—Մամիկին ո՞ր ձեռքին եւ ո՞ր մասին վրայ է մասնակին.— Ի՞նչ կը կոչուի այդ մասը.— Ի՞նչ կը կոչուի միւս մասները:

37. ՄՏԱԽՕՍԻՆ ՊԱՏԻԺԸ


Ի՞նչ է ան, գիւղը իրար անցեր է, գիւղացիները մէյ մէկ բեր առեր, իրարու ձայն կու տան ու կը վազեն յիմարի պէս:

Ահա մէկ, երկու, հինգ, տասը, քսան եղան:

— Հասէք, կը պոռան ամէն կողմէ:

Եւ բիրը առնողը կը վազէ գիւղէն դուրս:

Ի՞նչ է եղեր, ո՞ւր կը վազեն:



Գիւղացիները կը վազեն, որովհետեւ գիւղին սագերը արածող պզտիկ հովիւին՝ Միհրանի ձայնը լսեցին:

— Վազեցէք, կը պոռար Միհրան, գայլը եկաւ, սագերը պիտի տանի:

Եւ գիւղացիք կը վազէին պոռալով, բերբեր ձօճելով:

Վազեցին վազեցին, վերջապէս հասան Միհրանի մօտ: Բայց գայլ չկար մէջտեղ:

— Ո՞ւր է գայլը, փախա՞ւ, հարցուցին :
Միհրան ձայն չէր հաներ, կը խնդար :

Գիտէ՞ք ինչու կը խնդար Միհրան :

Անպիտանը խաբած էր գիւղացիները : Գայլ չէր եկած սագերուն մօտ :

Միհրան պողոցացած էր դրօսներու համար :

— Է՛հ, ըսած էր ինքնիրեն, ձայն տանք սա միամիտ գեղջուկներուն, նայինք ինչպէ՞ս պիտի վազեն, լաւ մը կը խնդանք իրենց վրայ : Ու կը խնդար ստախօս տղան :

Միհրան ուրիշ անգամ մըն ալ խաբեց խեղճ գիւղացիները :

Անոնք նորէն իրարու ձայն տուին, բիրերը առին, վազեցին գացին փոքրիկ հովիւին մօտ, կարծելով որ գայլը իրաւ սագերը կը տանի :


Բայց նորէն գայլ չգտան հոն : Իսկ Միհրան, անոնց վրայ կը խնդար : Գոհ էր որ անգամ մըն ալ խաբեց գեղջուկները, ու կը գուարճանար :

Բայց օր մը գայլը իրաւ եկաւ : Անօթի գայլ մըն էր և սագերը իր ախորժակը կը գրգռէին :

Միհրան՝ գայլը տեսաւ թէ չէ՝ սկսաւ պողալ բոլոր ոյժովը .

— Հասէք, գայլը եկաւ, սագերը պիտի տանի, շո՛ւտ հասէք :

Բայց գիւղացիները, երկու անգամ խաբուած ըլլալով, կարեւորութիւն չտուին Միհրանի :



աղաղակներուն, կարծելով թէ նորէն զիրենք կը խաբէ :

Ոչ ոք տեղէն երերաց, ամէնքն ալ իրենց
գործը շարունակեցին :

Խեղճ Միհրան . . . : Միշտ կը պոռար, կո-
կորդը պատուելու չափ ուժով :

— Հասէք, Աստուծոյ սիրուն, գայլը եկաւ,
անա կը մօտենայ, սագերը պիտի տանի :

— Էհ, պոռայ եթէ բան գործ չունիս,
կ'ըսէին գիւղացիները՝ անոր ձայնը առնելով,
ալ անգամ մըն ալ չենք խաբուիր :

Եւ հանդարտ՝ իրենց աշխատութիւնը շարու-
նակեցին, մինչդեռ Միհրան կը պոռար ու կը
պոռար թէ գայլը սագերը կը տանի :

Իրաւ ալ՝ գայլը մտաւ սագերուն մէջ, և
անոնցմէ ամէնէն պարարտը վիզէն խածնելով
առաւ տարաւ :

Հարցումներ Եւրօպիոյ վրայ (Գեօքը գոց). — Ի՞նչ սեսակ կենդանի
է գայլը. — Ընդհանրապէս ո՞ր կենդանիներուն թշնամի է. — Գայլը մարդուն
ալ կը վնասէ. — Միհրան ինչո՞ւ օգնութիւն չգտաւ գիւղացիներէն. — Գիւղա-
ցիները իրաւունք ունի՞ն :

Հարցումներ պատկերներուն վրայ (Գեօքը բաց). — Ի՞նչ կը սե-
նեմք Ա. պատկերին մէջ. — Գայլին, սագերէն ու Միհրանէն զոս ինչո՞ր կան
երկրորդ պատկերին մէջ. — Ի՞նչ կ'ընէ Միհրան, ի՞նչ կ'ընեն սագերը. — Ո՞րն է
գայլը, ի՞նչ կ'ընէ :



38. Ա Գ Ռ Ա Ի Ը

(ԱՐՏԱՍՍԱՆՈՒԹԻՒՆ)

Գիշերն աշնայնի
Երբոր կը հասնի,
Մըթնեն դաշտ ու ծառ,
Սեւ ագռաւն արթուն
Նողկանք տայ մարդուն
Երգելով՝ «Կան, կան . . .» :

Ի՞նչ արգել թրոշուն .
Մացառէ մացառ
Սուրայ ոստոստուն
Ու կ'երգէ . «Կան, կան . . .» :



39. ՄԱՔՐՈՒՀԻ ԵՒ ԱՆԺԷԼ

— Մայրիկ, կ'ըսէ Մաքրունի, հացիս քիչ մը անուշեղէն գիր :

— Չկայ աղջիկս, անուշեղէնը հատաւ, վաղը նորէն կը շինեմ :



— Բայց մայր, հացը առանց անուշեղէնի կ'ուտուի՞ :

— Մայրիկ, կ'ըսէ Անժել, Մաքրունիին քուրիկը, ժապաւէն մը դիր գլխարկիս վրայ :

— Հիմայ չունիմ, աղջիկս, վերջը կ'առնեմ :

— Բայց մայր, գլխարկը առանց ժապաւէնի կը դրուի՞ :



Որբը

Մաքրուհի շատակեր է, Անժէլ պչրասէր :
Ահա երկուքն ալ նստեր կու լան : Ինչո՞ւ :
Որովհետեւ մայրիկը անուշեղէն ու ժապա-
ւէն շտուաւ :

Աղուոր տուն , տաքուկ հագուստ , նոր կօ-
շիկ , պատրաստ հաց , վերջապէս ամէն բան
ունին :

Բայց նայեցէք , յիմարներու պէս կու լան ,
կը կանչեն :

Մաքրուհի անուշեղէնը կ'ուղէ , Անժէլ ժա-
պաւէնը :

Ձեն մտածեր թէ խեղճ որբեր և աղքատ
աղջիկներ կան , որոնք ոչ միայն անուշեղէնի և
ժապաւէնի , այլ շոր հացի անգամ կարօտը կը
քաշեն :

Մինչդեռ Մաքրուհի և Անժէլ ցուրտէն չեն
նեղուիր , ուզած ատեննին կերակուր կը գտնեն
և միշտ լաւ կը հագուին , այն դժբախտ որբերն
ու աղքատ աղջիկները ձմեռը ցուրտէն կը սա-
ռին , ոչ հագուստ ունին , ոչ կօշիկ , ոչ ալ ու-
տելիք կը գտնեն ամէն օր :

Մաքրուհի և Անժէլ դպրոց կ'երթան , տան
մէջ չեն աշխատիր , միշտ հանգիստ են , զբօ-
սանք կ'ընեն , կը զուարճանան :

Բայց որբուկն ու աղքատիկ աղջիկը մինչեւ

իրիկուն կ'աշխատին, կը շարձարուին, և երբ պարապ ժամ մը ունենան, անտառ կը վազեն՝ կտոր մը ճիւղ ճարելու և անով կրակ վառելու համար:

Իրենց բեռը մեծ բան չէ, բայց իրենք այնքան տկար են որ կը յոգնին ու կը քնանան ճամբուն վրայ:

Եւ իրենց անկողինը գետնի հողն է, ու բարձերնին ալ՝ ճիւղերու խուրձը:

Մաքրուհի և Անժէլ եթէ այդ աղջիկներէն մէկ հատ մը տեսնեն, սիրտերնին պիտի ցաւի, որովհետեւ երկուքն ալ բարի աղջիկներ են:

Եւ ալ չպիտի լան, Մաքրուհին՝ անուշեղէնի և Անժէլ՝ ժապաւէնի համար:


Հարցումներ Եւրօպայի վրայ (Գիտ. Գոթ). — Ինչո՞ւ կուրան Մաքրուհի և Անժէլ — Իրենց ի՞նչ առաւելութիւններ ունին որք եւ աղֆառ աղջիկներուն վրայ. — Ինչպէ՞ս կ'ապրին այս վերջինները. — Ի՞նչպէս պիտի կ'զարնին անոնց հետ, եւ ի՞նչ պիտի կ'մտածեն զանոնց ջեւներով:

Հարցումներ պանկերին վրայ (Գիտ. Բաց). — Ի՞նչ կ'ընկ աղջիկը. — Ո՞ր կը գնուի. — Ո՞ր ոտին կ'ոչիկը եղեր է. — Երկու ձեռներն ո՞րը աւելի շատ կ'երեսայ. — Ի՞նչ է իր անկողինը. — Ի՞նչ է իր բարձը:



40. ՃԱՆՃԸ


Մանուշակ և Աւետիս ճանճ մը բռներ են ու կը խաղան հետը:



— Ի՞նչ սիրուն կենդանի է, կ'ըսէ Մանուշակ, որ ճանճին թեւերէն մէկը մատներուն մէջ սեղմած է:

— Հապա գլուխը , կ'ըսէ Աւետիս , քիչ կեն-
դանի կայ որ
այսքան աղուոր
գլուխ մը ունե-
նայ :

Եւ ինք ալ
ճանճին միւս
թեւը կ'առնէ
մատուըներուն
մէջ :



Խեղճ պըզ-
տիկներ որ այդ-
պէս անհոգու-
թեամբ ճանճին
հետ կը խաղան :

Չեն գիտեր
թէ իրենց այն-

քան սիրուն երեւցող այդ կենդանիին հետ խա-
ղալով , մեծ վտանգ մը կ'անցընեն :

Ճանճը աղտոտ , շատ աղտոտ , գրեթէ
ամէնէն աղտոտ կենդանիներէն մէկն է :

Անիկա միշտ աղտոտութիւններու վրայ կը
նստի , և այդ աղտոտութիւններուն մէջէն կը
ժողվէ հիւանդութիւններու սերմեր :

Ճանճին գլխուն , թեւերուն , ոտքերուն և
ամբողջ մարմնին վրայ միշտ լեցուն են այդ վնաս-
ակար սերմերը :

Ասոր համար է որ բնաւ պէտք չէ խաղալ
ճանճի հետ :

Երբ ճանճը բռնենք , այդ սերմերը շուտ մը
իր մարմնին վրայէն մեր ձեռքերուն վրայ կը
փոխադրուին , և այդ սերմերուն հետ ալ հիւան-
դութիւնները մեզի կ'անցնին :

Դիտեցէք սա պատկերը որ խոշորցուած
ճանճ մը ցոյց կուտայ : Անոր մարմնը , ոտքե-
րը մազոտ են , և այդ մազերէն իւրաքանչիւրին
ծայրը հարիւրներով , հազարներով հիւանդու-
թեան սերմեր կան :

Դիտեցէք նաև միւս պատկերը որ ճանճի
խոշորցուած գլուխ մը ցոյց կուտայ : Մէջտեղի
հակկթաձեւ մասը աչքն է , շատ մեծ աչք մը որ
ամէն կողմէն ալ կը տեսնէ :

Ասոր համար է որ ճանճը շուտով կը հաս-
կընայ թէ իրեն կը մօտենան և կը թռի կը
փախչի :

Իր գլուխն ալ մազերով ծածկուած է ,
և այդ մազերուն ծայրը միշտ հիւանդութիւն-
ներու սերմեր կան :

Շատ անգամ տղաք հիւանդ կ'ըլլան , ու
չեն հասկնար թէ ինչո՞ւ հիւանդացան :

Անպատճառ ճանճ մը բռնած են և հիւան-
դութիւնը ճանճէն իրենց անցած է :
Ճանճը մինակ անվնաս հիւանդութիւններ

չի պատճառեր : Անկէ անցած հիւանդութիւն-
ներուն մէջ կան որ կը մեռցնեն :

Հարցուցէք ձեր ուսուցիչին , և անիկա ձեզի
պիտի ըսէ թէ ի՞նչ տեսակ հիւանդութիւններ
են ատոնք :

Հարցուցէք նաև թէ հիւանդութիւնները ինչ-
պէս ճանճէն ձեզի կ'անցնին :

Եւ ան ատեն պիտի հասկնաք որ շատ վը-
տանգաւոր բան մըն է ճանճի հետ խաղալը :

Հարցումներ Երբից վրայ (Գիրքը 408). — Ի՞նչ կ'ընին Մանու-
շակ եւ Անտիս. — Ի՞նչն է պիտի չի խաղալ ճանճերու հետ. — Ճանճի նմանոք
որիչ ի՞նչ տեսակ կենդանիներ գիտիք. — Ճանճը ինչն է շուտ մը կը տեսնուի մեզ,
երբ իրեն կը մօտենանք. — Տարուան ո՞ր եղանակիկն սիչ ճանճերը կը շատան :

Հարցումներ պատկերներուն վրայ (Գիրքը 409). — Ա. Պատկեր.
Ճանճիկն ո՞ր կողմը կ'տեսայ. — Բանի՞ք ո՞ր ունի. — Ո՞րն է գրուելը. — Որո՞նք
են քնները. — Ո՞րն է փոքրը. — Ո՞ր մասերը մազոտ են. — Ի՞նչու ո՞ր է :
Բ. Պատկեր. — Ո՞րն է ճանճիկն այլը. — Ի՞նչն է ունի. — Ի՞նչն է կը գտնուի
շուրջը :



41. ՄՈՆԱԿԸ


(ԱՐՏԱՍԱՆՈՒԹԻՒՆ)

Արշալոյսն ոսկի
երբոր կը ծագի,
Կ'երփնէ դաշտ ու ծառ,
Ժիր սոխակն արթուն՝
Հեշտանք տայ մարդուն
Երգերով պայծառ :

Կայտառ ու սիրուն,
Կ'ուստոստէ թրթռուն
Մացառէ մացառ,
Իր զըւարթագին
Ցոյց կուտայ հոգին
Երգերով պայծառ :



(ՎԱՐԺՈՒԹԻՒՆ ԱՌԱՆՑ ՆԻԹԻ)



Հարցումներ. — Ի՞նչ կը ծեսեիք պատկերին մէջ. — Բանի՞ տղաք կան. — Ի՞նչ կը ընեն տուային կարգին վրայ գտնուող երկու տղաք. — Ըմբիշ յոյառա համար ի՞նչ ունենալ պէտք է. — Տղոցմէն զոս ուրիշ ինչե՞ր կը նշմարեիք պատկերին մէջ.

43. ՍԿԻԻՆՆԵՐԸ

— Տղաքս, ըսաւ մայր սկիւռը, ահա ձեզի աղուոր կաղիններ, կերէք, և աղմուկ մի հանէք, որովհետեւ կուզը կը լսէ և կու գայ ձեզ կը խեղդէ:

— Կուզը ի՞նչ է, մայր, հարցուցին փոքրիկ սկիւռները:

— Կուզը աղուէսին նմանող կենդանի մըն է, անոր պէս աղուոր երկար պոչ մը ունի, և աղուէսէն աւելի փտանգաւոր է:

— Ինչո՞ւ համար, մայր, կուզը աղուէսէն աւելի փտանգաւոր է:

— Որովհետեւ կրնայ ծառերէն վեր մազլցիլ մեզի պէս, և գայ ձեզ խեղդել:

Այս ըսելով՝ մայր սկիւռը ելաւ գնայ:

Փոքրիկ սկիւռները իրենց մօրը խրատը մտիկ չըրին: Հագիւ մայրերնին հեռացած էր, սկսան կուռիլ իրարու հետ, սուր սուր ճչելով:

Չար կուզն ալ այդ միջոցին անօթի՝ կը մտածէր թէ ո՞ր կողմէն պիտի ելլէ ուտելիքը, երբ յանկարծ ձայն մը առաւ: Պզտիկ սկիւռներուն կրուռին ձայնն էր որ իրեն կու գար:

— Եթէ չեմ սխալիր՝ սկիւռի ձայն է ասիկա, ըսաւ կուզը, մտիկ ընենք նայինք:

Փոքրիկ սկիւռները կը շարունակէին կռուիլ ու ճչել :

— Այո՛, այո՛, սկիւռներ են, ըսաւ կուզը ու-



ըստութեամբ, բայց ո՞ր սատանի ծակէն կուգայ իրենց ձայնը. անպիտանները քիթիս տակ բոյն շիներ են և ես չեմ գիտեր :

Կուզը մէկ քանի վայրկեան ուշադրութեամբ մտիկ ըրաւ, հասկցաւ թէ ուրիշ կուզայ սկիւռներուն ձայնը, և կամացուկ մը սկսաւ ծառէն վեր ելլել :

Փոքրիկ սկիւռները միշտ կը կռուէին :

— Մայրիկին գացած ատենը երեք ընկոյզ կար, կ'ըսէր մէկը, հատ մը դուն կերար, հատ մըն ալ ես, մնացածն ալ իմս է, քանի որ ես քեզմէ մեծ եմ :

— Ո՛չ, կ'ըսէր միւսը, ես քեզմէ պզտիկ եմ, պէտք է ուտեմ որ մեծնամ, իմս է այդ ընկոյզը :

Միւս սկիւռը պատասխան չէր տուած դեռ, երբ հեզնոտ ձայն մը լսուեցաւ :

— Այո՛, կ'ըսէր այդ ձայնը, պզտիկը իրաւունք ունի, պէտք է ուտէ տակաւին որ մեծնայ և աւելի համեղ ուտելիք մը դառնայ ինծի համար. իսկ դուն՝ բաւական համեղցած ես, կ'արժէ որ քու արիւնդ խմեմ :

Կուզն էր, որ շուտ մը ըսածին պէս ըրաւ. սկիւռներէն ամէնէն մեծը խածաւ տարաւ :

Միւս սկիւռը՝ վախէն մնացեր էր գտնուած տեղը : Երբոր կուզը գնաց, շուտ մը իջաւ ծա-



ռէն վար, վազեց, վազեց, մինչեւ չոր մայրը
գտաւ և անոր պատմեց եղածը:



Խեղճ մայրիկը հասկցաւ որ տղաքը իր խօս-
քը մտիկ չէին
ըրեր, բայց ալ
ի՞նչ կրնար
ընել, նստաւ
ու լացաւ իր
զաւկին վրայ:

Ալ իրենց
բոյնը չէին
կրնարերթալ,
որովհետեւ
կուզը հասկը-

ցեր էր անոր տեղը, և միշտ պիտի գար:

Խեղճերը երկար ատեն թափառեցան, մին-
չեւ որ ապահով ծառ մը գտան և այնտեղ նոր
բոյն շինեցին:

— Ա՛խ, կ'ըսէր մայր սկիւռը, եթէ իմ խօս-
քըս մտիկ ըրած ըլլայիք, այս փորձանքները չպիտի
գային մեր գլխուն:

Հարցումներ նիւրիս վրայ (Գիրքը գոգ).— Ի՞նչ տեսակ կենդանի է
սկիւռը — Ո՞ր կենդանիին կը նմանի. — Հասկա կուզը. — Ի՞նչ օտարերուփուն
կայ կուզին եւ աղուտիսն միջեւ. — Ի՞նչպէս եղաւ որ կուզը խեղդեց սկիւռ-
նորին մէջ:

Հարցումներ պատկերներուն վրայ (Գիրքը բոգ). — Ո՞ր պատ-
կերներուն մէջ կը գտնուի կուզը. — Մարմնին ո՞ր մասը անդի մեծ է. — Գ.
պատկերին մէջ կուզին քերակը ի՞նչ կայ. — Ե՞տէ այդ խեղդուած կենդանիին
հաւ մը ըլլար խեղդողը ինչ տեսակ կենդանի պիտի ըլլար. — Իսկ երբ մե՞զ
մը ըլլար խեղդուածը:


44. ԼՈՒՍԻՆԸ

Լուսինը մեր գիշերուան լապտերն է, ինչ-
պէս արեւը՝ մեր ցերեկուան լապտերը:
Բայց արեւին և լուսինին մէջ մեծ տարբե-
րութիւն կայ:

Ամառ ըլլայ թէ ձմեռ, անպատճառ արեւը
մեզ կը լուսաւորէ ցերեկները: Եթէ ամպերու
տակ ծածկուած ըլլայ ու չտեսնենք զայն, նո-
րէն իր լոյսը կը հասնի մեզի:

Իսկ լուսինը միշտ չի լուսաւորեր մեզ:
Շատ անգամ կը տեսնենք զայն, բայց իր լոյսը
մեզի չի հասնիր:

Ահա Արամ պառկեր է, և պատուհանէն
կը տեսնէ լուսինը՝ որ
եզի մը եղջիւրներուն
ձեւը ունի:



Երբ լուսինը այդ
ձեւը կ'առնէ, մահիկ
կամ կիսալուսին կ'ը-
սենք անոր:

Այդ ձևով, ազոռը
գարդ մըն է երկինքին
վրայ, աստղերուն մէջ, սակայն մեզի օգուտ
չունի, որովհետեւ լոյս չի տար:
Բայց ժամանակ մը ետքը կը կլորնայ, ամ-



բողջութեամբ կ'երեւայ՝ պըզ-
տիկ տղու մը դէմքին պէս :

Այն ատեն մեզի լոյս կու-
տայ գիշերները , այնքան պայ-
ծառ լոյս մը , որ առանց ճրա-
գի պէտք ունենալու , կրնանք
կարգալ ու գրել :

Երբ լուսինը այդպէս ամ-
բողջ է , լիալուսին կը կոչուի :

Լուսինը աշխարհ մըն է մեր
երկրին պէս , թէեւ բնակիչ
չունի :

Երբոր ամբողջ ըլլայ և ու-
շադրութեամբ նայիք , անանկ
կը կարծէք թէ խոշոր ճերմա
դէմք մըն է : Չեզի անանկ պի-
տի երեւայ թէ աչքեր , քիթ մը
ու բերան մը կը գտնուին անոր
վրայ :

Ատոնք սակայն լուսի-
նին լեռներն են , որոնք հե-
ռուէն դէմքի մը մասերուն կը
նմանին :

Լուսինը ունի նաև ծովեր , գետեր , ճիշդ
ինչպէս կը գտնուին մեր երկրին վրայ :

Հարցումներ Երբոր վրայ (Գործը գոյ) .— Լուսինն եւ արեւին
մէջ ի՞նչ տարբերակ կայ .— Ո՞րն է մահիկը , ո՞րն է յիպոսիկը .— Մա-

հիկը ուրիշ ի՞նչ անուն ունի .— Ինչե՞ր կը գտնուին լուսին վրայ .— Լուսինը
է՞րբ լոյս կուտայ :

Հարցումներ պատկերներուն վրայ (Գործը բաց) .— Ո՞ր պատկե-
րին վրայ կը գտնուի մահիկը .— Ո՞ր պատկերին վրայ կը գտնուի յիպոսիկը .
— Ինչե՞ն կը զանազանի գտնուի .— Ուրիշ ինչե՞ր կը տեսնուի այդ պատկե-
րներուն մէջ :

45. ՀԱՍՏԼԿԻՆ ԳԼԽՈՒՆ ԵՎՍԾԸ

1. — Հաստիկ արջը իր որջէն ելեր՝ գիւղին
պարտէզներուն մօտ կը պտտէր , երբ հեռուէն
տեսաւ Յովնան եղբօր մեղրի փեթակները , ո-
րոնք քով քովի շարուած էին :

Հաստիկը պատիկ տղոցմէն աւելի կը սիրէ
մեղրը : Երբոր փեթակներուն մօտ եկաւ , բեր-
նին շուրերը կը վազէին :

— Շիտակը սա մեր Յովնան եղբայրը լաւ
մեղր կը հասցնէ , ըսաւ , գէշ չըլլար եթէ համը
նայինք :

2. — Հաստիկը վերցուց իր անագին թա-
թը , փեթակներէն մէկը գլորեց գետին , գլուխն
ալ մէջը խոթեց և սկսաւ մեղրը լափել :

Տը՛զզ , տը՛զզ , վժացին մեղունները իր շուր-
ջը , ցրուեցան փախան , մինչդեռ Հաստիկը կը
շարունակէր գլուխը փեթակին մէջ խոթել :

Բայց մեղուններուն վախը շուտով անցաւ :

Խուճը խուճը եկան Հաստիկին վրայ յարձակեցան, և սկսան աղուոր մը խայթել զայն :

3. — Հաստիկը նախ կարեւորութիւն չը տուաւ, բայց մեղուները այնքան ուժով կը խայթէին որ սկսաւ պոռայ ցաւէն :

— Հիմայ ես ձեր պատիժը կուտամ, ըսաւ ոտքի ելլելով :

Բայց մեղրը փակչտող է: Փեթակը՝ գլխարկի մը պէս Հաստիկին գլխուն կպած էր, և խեղճ արջուկը շատ դժուարութիւն կը քաշէր զայն հանելու համար :

Իսկ մեղուները կը շարունակէին խայթել, ուժով, այնքան ուժով որ արջուկը ցաւէն կը պոռար :


4. — Վերջապէս Հաստիկը յաջողեցաւ գրլուխը փեթակէն ազատել: Բայց այս անգամ ալ ուրիշ փորձանք :

Մեղրը լաւ մը գլխուն փակած էր, դէմքը չէր տեսնուեր, ինք ալ շուրջը չէր տեսներ :

Ձինքը տեսնող մը չպիտի հաւատար որ Հաստիկին է. այնքան փոխուած էր դէմքը: Մեղուները միշտ կը խայթէին, անխնայ կը խայթէին: Սըջուկը սկսաւ փախչիլ :

5. — Վազեց, փազեց, մինչեւ որ հասաւ առուակի մը մօտ :

Ազարակին առջիւ



—Փնօք Աստուծոյ, փրկուեցանք, ըսաւ,
և ճշմայ... Ղուրին մէջ
ցատկեց գլխիվայր:


Մեղուները ձգեցին
խեղճին օձիգը, թռան դա-
ցին իրենց աւերած փե-
թակը կարգի դնելու:



6. Հաստիկը երկար ա-
տեն լուացուեցաւ Ղուրին
մէջ ու շատ չարչարուելէ
ետք, վերջապէս յաջողեցաւ մաքրել գլխուն
փակած մեղրը:

Երբոր լաւ մը գովացաւ, գլուխը դուրս հա-
նեց Ղուրէն, տեսաւ որ մեղուները գացեր են,
ու երգում ըրաւ որ ալ ուրիշ անգամ փեթա-
կի չպիտի մօտենայ:

Ուտուցիչներուն —Այս դասին մաս կը կազմէ Աստուծոյ հոգի
առանց նիւթի վարձուքները:



46. ՀԱՍՏԼԻԿԻՆ ԳԼԽՈՒՆ ԵԿԱԾԸ

(ՎԱՐԺՈՒԹԻՒՆ ԱՌԱՆՑ ՆԻԹԻ)



Հրահանգ.—Նախորդ պատմութեան հետեւելով, ցոյց տուիք թե այս վեց պատկերներէն իւրաքանչիւրը անոր ո՞ր հաստածին կը պատշաճի:
Օրինակ.—Ամենէն վերի կարգին վրայ գտնուող ձախ կողմի պատկերը կը պատշաճի նախորդ պատմութեան 2 թիւը կրող հաստածին:

47. ՍԱՏԱՆՈՐԴԻ ԱՂՈՒՏՍԸ

(ԵՐՐՈՐԴ ՊԱՏՄՈՒԹԻՒՆ)

Հաստիկ արջուկը ջուրէն ելաւ գովացած, բայց նորէն չէր հանգստացած: Մեղուները աղէկ խայթեր էին, և մարմինը կը ցաւէր:

— Երթանք մեր աղուէս եղբոր, ըսաւ, անպիտանը լաւ բժիշկ է, ճար մը կը գտնէ:

Ու վաղելով հասաւ աղուէսին տունը:


Իր բախտէն՝ սատանորդին տունն էր:

— Բարեւո՛ղ անուշ, ինձմի Հաստիկ, ըսաւ պատուհանէն, աս ի՞նչ հով փչեց որ մինչեւ հոս եկար:

Այն ատեն Հաստիկ պատմեց գլխուն եկած փորձանքը: Քանի կը պատմէր, աղուէսը այնքան կը խնդար: Երբոր արջը վերջացուց,

— Տնաշէն, ըսաւ, եթէ մեզր ուտել կ'ուզէիր, ինչո՞ւ ինձի չեկար. այստեղ մօտը առատ և պատուական մեզր կար, ինձի գայլը, և ուզածիդ չափ պիտի կրնայիր ուտել:


— Չէ, երզում ըրի, ալ բնաւ մեղուներուն չպիտի մօտենամ, ըսաւ Հաստիկը, կը բաւէ ինչ որ քաշեցի անիծածներուն ձեռքէն:



— Բայց եթէ քեզի ըսեմ որ իմ ունեցած մեղրիս քով բնաւ, բնաւ մեղու չկայ :

— Բնաւ մեղու չկայ . . .

Հաստիկը շուտ մը մոոցաւ իր ցաւերը, և



սկսաւ լեզուն բերնին շուրջը պտտցնել :

— Եկուր որ տեսնես, ըսաւ աղուէսը, և վար իջնելով, արջուկին հետ ճամբայ ելաւ :

Քալեցին, քալեցին, հասան փայտահատի մը պարտէզը: Աղուէսը արջը ներս մտցուց ու տարաւ ծառի խոշոր կոճղի մը քով, որուն մէջտեղը փայտահատը երկար ճեղք մը բացած էր և ճեղքին մէջ ալ տապար մը ձգած էր, որպէս զի չգոցուի :

— Ահա այս ճեղքին մէջն է մեղրը, ըսաւ աղուէսը. նայէ շուրջդ, բնաւ մեղու չկայ. խի մեղրը ամէնէն պատուական տեսակէն է :

— Բայց ինչպէ՞ս ուտելու է, աղուէս եղբայր, բան մը չի տեսնուիր :

— Շատ զիւրին է, Հաստիկ խնամի. գլուխդ


խոթէ սա ճեղքին մէջ, և ցուռկդ մխէ խորը. շուտով լեզուդ մեղրին պիտի հասնի :

Հաստիկը գլուխը խոթեց ճեղքին մէջ, և սկսաւ լեզուն չորս դին պտտցնել: Մեղրին հոտը անգամ չկար :

— Բան չկայ, աղուէս եղբայր, ըսաւ, ուր է մեղրը:

— Քիչ մըն ալ, քիչ մըն ալ, ու պիտի գտնես: Տխմար Հաստիկը, ուժը տուաւ գլխուն, և այնքան աշխատեցաւ որ կոճղին ճեղքը քիչ մը աւելի բացուեցաւ :

Այն ատեն, աղուէսը շուտ մը քաշեց հանեց տապարը, ճեղքն է սեղմուեցաւ և Հաստի-



կին գլուխը բանտարկուած մնաց կոճղին մէջ :


— Վայ գլուխս, մեռայ, կը պոռար խեղճը, ցաւէն ոռնալով :

Գլուխը այնքան ուժով բռնուած էր կոճղին

մէջ որ չէր կրնար դուրս քաշել . ու քանի կը
փորձէր հանել , այնքան սաստիկ կը ցաւէր :

Իսկ անպիտան աղուէսը կը հեզնէր .

— Բարի ախորժակ , Հաստիկ խնամի , գլուխդ
մեծցնելուդ՝ խելքդ մեծցուր որ ուրիշ անգամ



չհաւատաս թէ
կոճղի մը մէջ
մեղր կը գըտ-
նուի . ահա փայ-
տահատն ալ գա-
լու վրայ է , քիչ
մը մեղր ալ ան
պիտի կերցնէ
քեզի :

Իրաւ ալ
փայտահատը լը-
սած էր արջուն
աղաղակները և
կը վազէր կու-

գար : Երբոր կոճղին քով հասաւ և եղածը տե-
սաւ , շուտ մը փայտ մը առնելով փառաւոր
տփոց մըն ալ ինք քաշեց Հաստիկին :

Խեղճը մինչեւ որ յաջողեցաւ գլուխը կոճ-
ղէն դուրս հանել , հոգին բերանը եկաւ :

Հարցումներ Յիւրիկ վրայ (Գիտքը 409). — Ի՞նչ է փայտահատը . —
Ի՞նչ է ճագարը . — Ինչի՞ կը գործածուի . — Գոճղը ծառիև ո՞ր մասն է . — Ինչո՞ւ
ճագարը նեղիկ մէջ ձգուած էր . — Արջուն գլուխը ինչո՞ւ բռնուեցաւ :



48. Ա Գ Ա Ր Ա Կ Ը

(ԱՐՏԱՍԱՆՈՒԹԻՒՆ)

Արշալոյսին , ամէն օր ,
Աքլորն , իր ձայնով հրգօր ,
Իր հաւնոցին մէջ ազատ
Կ'երգէ , կ'երգէ անընդհատ :

Մնչող տատրակին քովիկ
Հաւը կ'ընէ վազ , վազ , վիկ ,
Ու ճուտերն որ նոր ելան
Կը ճըւան , կը ճըւճըւան :

Կատուներն , իրենց կարգին ,
Մլաւ , մլաւ կ'ընեն անձկագին :
Երբ խոզերը կը խանչեն ,
Շուներն անգին կը հաչեն :

Գառնուկն իր ձայնով նիւար
Կը մայէ , կը մայէ յար .


Մինչդեռ բազը ծանրաշարժ
Քուս , քուս կը պոռայ անվարժ :

Չորս անկիւնէն ախոռին
Համերգ մ'է հեշտ ու խորին .
Կը բառաչէ կոմն . իսկ ձին
Կը վըրընջէ առանձին :

Ետ չը մնայով միւսներէն՝
Կը զուայ էշն ալ դաշնօրէն ,
Եւ իր ձայնէն հաստ ու խոր
Կ'արթննան լեռ , դաշտ ու ձոր :

49. ԺՊՏՈՒՆ ԿԵՆԴԱՆԻՆԵՐԸ

(ՎԱՐԺՈՒԹԻՒՆ ԱՌԱՆՑ ՆՒԻԹԻ)



Հարցումներ. — Քանի՞ կենդանի կը գտնուին պատկերին մեջ. — Ի՞նչ
կը կոչուին. — Ի՞նչ գիտիք անոնց մասին. — Իւրաքանչիւրին մարմնին ո՞ր
մասերը կ'երեւան. — Ո՞ր մասերը չեն երեւար :

50. ՄԻՀՐԱՆ ՆՈՐԷՆ ԿԸ ԳԾԷ

Միհրան հիմայ բաւական յաջող գծագրիչ
մը եղած է : Լաւ բնաւորութիւն մը ունի , որ
իւր յաջողութեան գլխաւոր պատճառն է . երբ
գործի մը սկսի , կը յարատեւէ , և միշտ կը ջա-
նայ որ լաւ ընէ այդ գործը : Այլ ամէն մարդ կ'ըսէ
թէ Միհրան օր մը մեծ նկարիչ մը պիտի ըլլայ :


Նայեցէք , ձեզմէ շատերուն անծանօթ կեն-
դանի մըն է գծեր . այդ կենդանին եղջերուի ձագ
մըն է , եղնիկ մը . եթէ ուշագրութեամբ նայիք՝
պիտի տեսնէք որ եղնիկը գծելու համար Միհրան
միայն ուղիղ գիծեր քաշեր է :



Ահա հիմայ ալ ձեզի շատ ծանօթ կենդանի
մը դծեց , այս անգամ միայն կոր գիծերով : Մա-
տիարը ձեռքերնիդ առէք , և անոր գծածին հե-
տեւելով յոյց տուէք թէ պատիկ կոր շրջանակը
զոր ամէնէն առաջ շինած էր , ինչպէ՞ս կատու
մը եղաւ :



Սա կինն ալ որ կեցեր է պատկերին ծայրը , Միհրանի գծածն է : Բայց այս անգամ թէ՛ կոր և թէ՛ ուղիղ գիծեր գործածելու պէտք ունեցեր է : Տոյց տուէք թէ որո՞նք են քաշած ուղիղ գիծերը և որո՞նք են կոր գիծերը : Ըսէք նաև թէ՛ կոր գիծերով պատկերին ո՞ր մասերը շիներ է . հապա ուղի՞ղ գիծերով :



Միհրանի գծած պատկերներէն մէկն ալ թիթեռնիկ մըն է : Եթէ լաւ մը դիտէք , պիտի տեսնէք որ հինգ տարբեր ձեւեր շիներ է՝ թիթեռնիկը գծելու համար : Տոյց տուէք թէ ի՞նչ կարգով գծեց այդ ձեւերը , այսինքն՝ ամէնէն առաջ ո՞ր ձեւը գծեց , յետոյ ո՞ր ձեւը , յետոյ . . .



Սեւ շունն ալ զոր կը տեսնէք սա վերջին պատկերին ծայրը , նոյնպէս Միհրանի գծածն է : Բայց այս անգամ՝ եթէր տարբեր ձեւեր շիներ

է՛ շունը գծելու համար : Ի՞նչ կարգով գծեց այդ ձեւերը :



Միհրանին պէս եթէ դուք ալ աշխատիք , պիտի տեսնէք որ շատ դժուար չէ լաւ գծագրիչ մը ըլլալը :

Մի մոռնաք սակայն որ երեք բան պէտք է ատոր համար . — ուշադրութիւն , համբերութիւն և յարատեւութիւն :

51. ԱՇՈՒՆԸ ԴԱՇՏԵՐՈՒՆ ՄԷՉ

(ԱՐՏԱՍԱՆՈՒԹԻՒՆ)

Յուրտ ու ձմեռ չսկսած զեռ Հողը կ'առնէ ամէն հունտեր . Ակօսներուն մէջը հարուստ Սերմանացանը կը ցանէ հունտ :

Սերմը կ'աճի հոն անդադար , Գիշեր ցերեկ կը գործէ յար , Ու պատուելով հողը յանկարծ Ան կը ծըլի կամաց կամաց :



52. ԶՈՒՐԻ ԿԱԹԻՂԻ ՄԸ ԱՐԿԱԾՆԵՐԸ

Տղաք, չէք գիտեր թէ ինչեր անցան Չուրի կաթիլի մը գլխէն : Պատմեմ ու մտիկ ըրէք :

Չուրի կաթիլը գետին հետ մէկտեղ քշուելով ծով գնաց և հանգիստ կը պտտէր, բայց յանկարծ ձուկ մը կլլեց զայն :

Չկնորսներ բռնեցին ձուկը, և ծովէն հանելուս պէս, ստկեցին ու տապակին մէջ դնելով սկսան տապկել : Չուրի կաթիլը տաքէն շոգի դարձաւ և թռաւ օդին մէջ :

Թռաւ ու թռաւ, թռչունի մը պէս փախաւ հովերուն առջեւէն, բարձրացաւ այնքան վեր որ ամպերուն խառնուեցաւ :

— Էհ, ըսաւ, ալ այստեղ հանգիստ կ'ընեմ :

Բայց յանկարծ սաստիկ ցուրտ ելաւ, Չուրի կաթիլը սառեցաւ, կարկուտ դարձաւ, ու վար իյնալով որթատունկի տերեւի մը վրան մնաց :

— Վերը հանգիստ չգտանք, թերեւս վարը հանգիստ մնանք, մտածեց, և աղուոր մը տեղաւորուելու վրայ էր, երբ արեւը զայն հալեցուց :

Չուրի կաթիլը տերեւին վրայէն ինկաւ հողին վրայ, ուր որթատունկին արմատը ծծեց զինքը : Կաթիլը՝ որթատունկին ցողունին բարակ ճամբաներէն անցնելով, գնաց մտաւ խաղողի հատիկի մը մէջ :

— Այ այստեղ ինձի մարդ չի դպչիր, ըսաւ, չորս կողմս գոց է, երեսս անգամ չեն տեսներ :

Բայց հազիւ թէ խօսքը վերջացուցած էր, երբ չարածճի մանուկ մը խաղողին ողկոյզը փրցնելով կերաւ, կաթիլն ալ հետը :

Հարցումներ Երեւանի վրայ (Գեորգ Գոց). — Ի՞նչ պէ՞ս չուրի կաթիլը շոգի եղաւ, ինչպէ՞ս կարկուտ դարձաւ. — Ի՞նչ է որթատունկը, բո՞ւնի է թէ ծառ. — Ի՞նչ է արմատը, ի՞նչ է ողկոյզը, ի՞նչ է ցողունը :

Հարցումներ պատկերին վրայ (Գեորգ Գոց). — Ի՞նչ կը կոչուի այդ մնուկ վագոյ չուրը. — Ո՞ր է ճամբան. — Ճամբուն եզերքը ի՞նչ խառնած է. — Ո՞ր է թռչը. — Ո՞ր են ծառերը. — Ո՞ր են բույսերը :

53. ԱԶԱՏՈՒԹԻՒՆ

(ԱՐՏԱՍԱՆՈՒԹԻՒՆ)

Տըզան ըսաւ. — «Այ թոչնիկ,
Տես, ոսկեթել բովանդակ
Քեզ պատրաստեր եմ վանդակ,
Բընակարան երջանիկ :

«Չորուկ կորեակ, թարմ բզրուկ,
Մամուռ մահիճ ծաղկազարդ,
Ամէն բան կան: Հոն զըւարթ
Կեանք կը վարես անտաղտուկ»:

Թոչնիկն ըսաւ. — «Պատանի,
Ամէնէն ճոխ վանդակին
Հետ չեմ փոխեր ես կրկին
Ծառն անտառին ընտանի .

Բնաւ բան չեմ բաղձար ես շատ :
Քու պալատիդ մէջ փարթամ
Ես բանտարկուած պիտ' ըլլամ :
— Կեանքը՝ ապրիլն է ազատ» :



54. ՏՂԱՔՐ ԵՒ ԹՈՒՉՈՒՆԸ

(ՎԱՐԺՈՒԹԻՒՆ ԱՌԱՆՅ ՆԻԻԹԻ)




Հարցումներ. — Տղաք ի՞նչ կուտան քոչուկին. — Ի՞նչ առարկաներ կը տեսնեմ սենեակին մէջ. — Թոչուկը ո՞ւրից դուրս ելած է. — Ի՞նչ կայ պատուհանին մէջ, Ի՞նչի՞ մէջ դրուած է, ի՞նչ կը պարունակէ:

55. Փ Ի Ղ Ը

Քօթօթն ու Բրդոտը կը ճանչնաք արդէն : Քօթօթ մեր շունն է , Բրդոտ մեր կատուն : Գիտէք որ երկուքն ալ իրարու հետ խոով կ'ապրէին միշտ : Բայց իրենց ձագերը իրարու հետ սիրով մնացին . ամէն ատեն մէկտեղ կը պտտէին ու կը խաղային :

Այն ատենները՝ փիղ մը կար մեր մօտը : Մարդ մը առեր քաղաք բերեր էր , և դրամով կը ցուցներ ուզողին :



Պատիկ Քօթօթն ու պատիկ Բրդոտը , առտու մը պտտելու ելած էին , երբ յանկարծ փիղը իրենց դէմը ելաւ :

— Ի՞նչ կ'ըսես Բրդոտ քուրիկ , ըսաւ պատիկ Քօթօթը , եկուր սա փիղին հետը իյնանք :


— Խենթ մի ըլլար , ըսաւ պատիկ Բրդոտը , խոշոր կենդանի է , մեզ կը ծեծէ :

— Չէ , Բրդոտ քուրիկ , բան չընես . երէկ իրիկուն տունը անոր խօսքը կ'ընէին . կ'ըսէին թէ շատ բարի կենդանի մըն է , մարդու չի դրպ-




Պատիկ քուրիկ

չիւր, և ազուոր կը ծառայէ մարդոց. իր երկար քիթը որ կնճիթ կը կոչուի, շատ ծանր բաներ կրնայ վերցնել : Ուրիշ փիղեր՝ այդ կնճիթին երկու քովէն դուրս ցրցուած ալուաներ կ'ունենան, որոնց փղոսկը կ'ըսեն, և որոնք շատ յարգի են . սուղ առարկաներ կը շինուին անոնցմով : Եկուր հետը իյնանք, քիչ մը գուարճանանք . եկուր, մի՛ վախնար, բան չընենք :




Յետոյ՝ մենք անկէ արագ կը վազենք, շուտ մը կը փախչինք :



Անմիտ Բրդոտը համողուեցաւ, և երկուրը մէկ յանկարծ վազեցին փիղին վրայ : Բրդոտ ազուոր ճանկ մը զարկաւ անոր կնճիթին, Քօթօթ ալ ալանջներէն մէկը խածաւ :

Փիղը նախ կարեւորութիւն չտուաւ, բայց երբ անոնք կրկնեցին, ոտքի ելաւ, ու կնճիթովը Քօթօթը կռնակէն բռնելով, վեր՝ օդին մէջ բար-

ճրացուց : Խեղճին գլուխը սկսաւ դառնալ . երբեք այդքան բարձրը չէր ելած : Բրդոտ ալ ապշած կը նայէր , երբ փիղը իր ծանր ոտքերէն մէ-



կուն տակ սեղմեց անոր պոչը , և այնչափ ցաւցուց , այնչափ ցաւցուց որ քիչ մնաց անպիտանին հոգին ելլէր :

Անկէ ետքը , մեր Քօթօթը , ամէն անգամ որ փիղը տեսնէր , կը հաչէր , բայց հեռուէն , վախնալով որ նորէն փորձանք կու գայ գլխուն :

Փիղը բաւական ատեն համբերեց , բայց օր մը , համբերութիւնը հասնելով ,

— Կեցիր , ըսաւ , քեզի խաղ մը խաղամ որ խելքդ գլուխդ գայ , և ալ բնաւ չհաչես :

Առտու մը , մինչդեռ Քօթօթ արեւին տակ փուռեր կը քնանար , փիղը վազեց գնաց իր ջուրի դոյլին քով , և կնճիթը աղուոր մը լեցուց ջուրով :

Յետոյ , կամացուկ մը Քօթօթին մօտենալով , կնճիթովը բռնեց կոնակէն , և սկսաւ պրտըտցնել փողոցներուն մէջ , որպէս զի ամէն մարդ տեսնէ :

Քօթօթին պուշտուքներէն , տղաքը դուրս ինկան տուներէն , և իրենք ալ պոռալով կանչելով կը հետեւէին փիղին : Քօթօթին վիճակը աղէկ չէր . կ'երեւայ թէ շատ ցաւ կը զգար , բայց տղաքը կը զուարճանային :

Շատ աւելի պիտի զուարճանային քիչ մը ետքը , որովհետեւ փիղը իրաւ աղուոր խաղ մը պատրաստած էր Քօթօթին :

Երբոր մեր տան առջեւ հասաւ , նստաւ գետինը , բարձրացուց կնճիթը , ուրկէ ջուրը սկսաւ դուրս խուժել սիւնի մը պէս , իրեն հետ վեր հանելով մեր Քօթօթը :

Խեղճ Բօթօթ. շուրէն կը սոսկար միշտ քայց հիմայ անկէ չէր որ կը վախնար: Փիղը մէջ մը վեր կը հանէր, մէջ մը վար կ'իջեցնէր զինքը: Բօթօթ վախէն մեռնելու վրայ էր, իսկ փիղը կը մարէր խնդալէն:



Տղաքն ալ, որոնք այս խաղին չէին սպասեր, ելեր էին պատին վրայ և կը խնդային կուշտ ու կուռ:

Տեսնելիք բան էր Բօթօթին փախուստը, երբ վերջապէս ազատեցաւ փիղին ձեռքէն:

Անկէ ի վեր՝ ալ չի հաչեր փիղին ետեւէն:

Հարցումներ նիւթի վրայ (Իրօք գոց). — Ի՞նչ տեսակ կենդանի է փիղը. — Ի՞նչ ծառայութիւններ կը մատուցանէ մեզի. — Ի՞նչ տեսակ քնաւորութիւն ունի. — Ի՞նչ շտիկ Բօթօթն ու Քրիտը. — Փիղը ինչպէս պատեցր զանոնք:

Հարցումներ պատկերներուն վրայ (Իրօք բաց). — Պատկերներուն հետեւն ի՞նչ կրկնեցիք պատմութիւնը. — Ըստի թէ ինչե՞ր կը տեսնուի չորստր պատկերին մէջ:

56. Ա Ռ Ի Ի Ծ Ը

Առիւծը կենդանիներուն ամէնէն ուժեղը չէ, քայց ընդհանրապէս կ'ըսեն թէ կենդանիներուն թագաւորն է:

Գիտէ՞ք ինչու: Որովհետեւ շատ ազնուակամ

ձերեւոյթ ունի, ճիշտ թագաւորի մը կը նմանի:

Առիւծը ընտանի կենդանի մը չէ, այսինքն մարդոց հետ ընտանեցած չէ, անոնց հետ չապրիր: Առիւծը վայրի կենդանի մըն է, գազան



մըն է: Երբ մարդ տեսնէ, վրան կը յարձակի, և կը բզբտէ ու կ'ուտէ:

Իր եղունգները, որոնք ճիրան կը կոչուին, շատ զօրաւոր են. անոնցմով կը կուռի և իր հակառակորդներուն միտը կը բզբտէ: Ակռաներն ալ շատ զօրաւոր են: Արու առիւծը վիզին շուրջը առատ բաշ ունի, և երկար պոչին ծայրն ալ մազէ ծոպ մը կայ: Էզը բաշ չունենար:

Երբ առիւծը պզտիկ է, չի վնասեր մարդու։ Դիտեցէք սա պատկերը, ուր սակառի մը մէջ առիւծի երեք ձագեր ու տղայ մը կը տեսնուին։ Պզտիկ առիւծները չեն դպչիր տղուն։ Բայց եթէ քիչ մըն ալ մեծնան, կը խածնեն զայն։ Եւ եթէ



բոլորովին մեծ-
ցած ըլլան, կը
բզբ տեն ու
կ'ուտեն։

Այս վայրի
կենդանին շատ
ընտանեսէր է,
իր ձագերը լաւ
կը պահէ, բարի
ծնողքի մը պէս։

Կան մարդիկ որոնք կը յաջողին դասել առիւծը և ուրիշ վայրի կենդանիներ, ու գառագեղներու մէջ դնելով մեզի ցոյց կու տան դրամով։ Այդ տեսակ մարդոց գաղանազուսպ կ'ըսեն։

Եթէ առիւծը ոյժ ունի, մարդիկ ալ խելք ունին։ Եւ շատ անգամ մարդոց խելքը կը յաղթէ առիւծին ոյժին։ Մարդիկ չեն կրնար կռուիլ անոր հետ, բայց գէնքեր շինած են և հեռուէն կը սպաննեն զայն։ Մինչև անգամ թակարդներ լարելով ողջ ողջ կը բռնեն առիւծը։

Մի կարծէք թէ ուժեղ առիւծը իրմէ պզգտիկներուն պէտք չունենար։

Անգամ մը՝ առիւծ մը նստեր էր, երբ յանկարծ մուկ մը ինկաւ թաթին տակ։

Խեղճ կենդանին հասկցաւ որ առիւծը զինքը պիտի ուտէ, և սկսաւ ազաչել։

— Տէր առիւծ, ըսաւ, զիս ազատ ձգէ. օր կ'ըլլայ որ ես ալ քեզի օգտակար կ'ըլլամ։

Առիւծը խնդաց մուկին խօսքին վրայ։

— Անմիտ, ըսաւ անոր, դուն ինծի ի՞նչ օգտակարութիւն կրնաս ունենալ։



Քանի մը օր ետքը՝ առիւծը որսորդներու կողմէ լարուած թակարդի մը մէջ բռնուեցաւ։ Յուսահատութենէն կ'ոռնար, որովհետեւ կը զգար որ չպիտի կրնայ թակարդէն ազատիլ։

Բայց ահա յանկարծ մկնիկը վազեց հասաւ, կրծելով կրծելով փրցուց թակարդին չուանները, և առիւծը ազատեցաւ։

Մի մոռնաք որ ամէնէն գորաւորն անգամ միշտ կրնայ իրմէ տկարին պէտք ունենայ . հետեւաբար՝ պէտք չէ որ զայն արհամարհէ :

Հարցումներ նիւթին վրայ (Գերքը գոց) — Ի՞նչ է ընտանի կենդանին, ինչ է վայրի կենդանին — Ի՞նչ տարբերութիւն ունին իրարուկ — Ի՞նչ է գազանազուսար — Քանի՞ տեսակ ընտանի կենդանի եւ քանի՞ տեսակ վայրի կենդանի գիտիք: — Ն'յարաչրեցիք զանոնք:

Հարցումներ պատկերներուն վրայ (Գերքը բաց) . — Ի՞նչ ցոյց կուտայ առաջին պատկերը — Ինչ ցոյց կուտան երկրորդ եւ երրորդ պատկերները. — Երրորդ պատկերին հետեւելով ցոյց տուիք առիծին զանազան մասերը. — Երկրորդ պատկերին մեջ ո՞րն է արու առիծը, ո՞րն է կզը. — Ինչի՞նչ մասնցաբ զանոնք:


57. ՏՂԱՔԸ ԿԸ ՊԱՐԵՆ
(ՎԱՐՅՈՒԹԻՒՆ ԱՌԱՆՅ ՆԻԹԻ)



Հարցումներ. — Քանի՞ տղաք եւ ուրիշ ինչի՞ր կը տեսնուիք պատկերին մեջ. — Ինչ կ'ընեն տղաքը: — Ի՞նչ կ'ընեն տղերքը եւ աչ կողմի տղան. — Սագի՞րը ո՞ր կեցած եմ. — Տղոցմէն քանի՞ն մասն էն, քանի՞ն աղիկ.

58. ԱՌԻԻԾԸ ԵՒ ՊԱՆԱԿԸ

(ՇԱՐԱԳՐՈՒԹԻՒՆ)



Հրահանգ. — Առաք պահալը կնցեր եր (ո՞ր, ինչի՞ առջեւ, ի՞նչ ձեւով) երբ յանկարծ առիւժը վրայ հասաւ (ինչի՞նչ ետեւէն. պահալը ի՞նչ կ'ընէր այդ միջոցին): Պահալը առիծը տեսնելուն պէս (ինչ ըրաւ, ինչ կ'ընէր) յաջողեցաւ ազատիլ տոսկալի գազանէն):
Հետեւելով վերի պատկերներուն, գրեցիք պատմութիւնը, կարեւի եղածին չափ կարճ:

Ուսուցիչներուն. — Այս վարժութեան մեջ պիտի կ'օգնէ աշակերտներուն, աշխատելով անոնց դիտողութիւնը կերտնայնելու պատկերներուն նոյնիսկ յետին մանրամասնութեան վրայ:

59. ԶՈՒՐԻՆ ԵՐԳԸ

(ԱՐՏԱՍԱՆՈՒԹԻՒՆ)

— «Վճիտ, մաքուր ջուր յստակ,
Որ ամէնուս բարիքն էս,
Կը սիրեմ ձայնդ անուշակ,
Ուրիկէ՞ կու գաս, ըսէ մեզ: »

— «Կու գամ բարձր լեռներէն,
Ու սարերէն ծաղկազարդ,
Ես հոսելով մեղմօրէն
Ոռոգեցի մարգն ու արտ... »

«Դաշտէն անցած ատենս ալ
Խոտն ու թուփեր թրջեցի,
Կաղնիին բունն անայլայլ
Ու ծաղիկներ գարնայնի... »

«Թրոշունն անցնէ իր պապակ
Արծաթափայլ ճամբուս վրայ,
Եւ ճառագայթն անապակ
Հոն աստղի պէս կը շողայ: »



60. ՔՕԹՕԹԻՆ ԱՐԿԱԾՆԵՐԸ

1. — Մեր ֆոթօթը ալ փիղին հետ չիյնար,
բայց նորէն հանգարտ չի կենար: Առջի օր՝ վրան
լաթով գոցուած սակառ մը տեսնելով, վազեց
ուրախութեամբ:

2. — Քօթօթ հետաքրքիր էր:
— Նայինք ի՞նչ կայ մէջը, ըսաւ, և գլխովը
վերցուց սակառին վրայ ծածկուած լաթը:
Քօթօթ կը յուսար որ աղուոր ուտելիք մը
պիտի գտնէ սակառին մէջ:

3. — Բայց սակառին մէջ խխունջներ կային,
և հազիւ թէ ֆօթօթ լաթը վար առած էր,
ամէնքն ալ դուրս ելան:

Քօթօթ յանկարծ պաղ բան մը զգաց պոչին
վրայ: Խխունջներէն մէկը պոչին ծայրը ելեր՝
այնտեղ տեղաւորուեր, իր միւս ընկերները
կը կանչէր:

4. — Շուտ մը միւս խխունջներն ալ իրենց
ընկերին հետեւեցան, և ամէնքն ալ ֆօթօթի
վրայ ելան: Անպիտանին քիթը, գլուխը, կրու-
նակը խխունջներով ծածկուած էին:

Պոռալով սկսաւ վազել, և մեծ դժուարու-
թեամբ կըրցաւ խխունջներէն ազատի:

5. — Բայց ահա նոր սակառ մըն ալ, երկու կափարիչով, որոնցմէ մէկը կէս մը բացուած էր: Քօթօթի հետաքրքրութիւնը նորէն արթնցաւ: Քիչ մը առաջ, ուրիշ սակառի մը մօտենալուն համար, փորձանքի հանդիպած էր: Կը վարանէր այս անգամ:

6. — Քօթօթի վարանումը երկար չտեւեց: Չկրցաւ հետաքրքրութեանը յաղթել, և գլուխը խոթեց սակառին մէջ:

Միշտ այն յոյսը ունէր որ աղուոր ուտելիք մը պիտի գտնէ:

7. — Սակայն այս անգամ ալ ուրիշ փորձանք:

Սակառին մէջ խեչափառ մը կար: Հազիւ Քօթօթ գլուխը ներս խոթած էր, խեչափառը մկրատը երկարելով աղուոր մը խայթեց անոր ականջը:

8. — Քօթօթ մինչեւ որ ականջը ազատեց խեչափառին մկրատէն, հոգին բերանը եկաւ:

Ունալով փախաւ հեռացաւ սակառին քովէն, և կանգ առնելով սկսաւ լալ: Ականջը աղուոր մը ծակած էր և կ'արիւնէր:

9. — Երթանք քիչ մը ջուր խմենք, ըսաւ խեղճը, թերեւս ցաւը անցնի:

Մօտը դոյլ մը կար. ուլիկն ալ անոր մօտն էր ու ջուր կը խմէր: Քօթօթ հաչելով հաչելով ուլիկը վախցուց և սկսաւ ինք խմել ջուրը:

Դիտմամբ ախորժակով կը խմէր, որպէս զի ուլիկը բոլորովին նեղանայ:

10. — Բայց ուլիկը պոռաց, մայր այծիկը իր զաւկին ձայնը առնելով վրայ հասաւ, տեսաւ եղածը, և գլխու զօրաւոր հարուածով մը չար շնիկը նետեց հեռուն:

11. — Քօթօթ բախտ չունէր: Մամիկիս գուլպայի դերձանին գունտը գետինն էր ինկեր. ասեղներն ալ վրան էին:

Քօթօթ անոր վրայ ինկաւ և ասեղները, որոնք շատ սուր էին, միսը մտան:

12. — Յաւէն խենթեցած, Քօթօթ ոտքի ելաւ շուտ մը, և սկսաւ վազել՝ առանց առջին նայելու:


Իբր թէ չէին բաւեր այդ ամէն փորձանքները, վազած ատենը գլուխը ծառի մը կոճղին զարկաւ, այնքան ոյժով որ նուաղեցաւ ինկաւ:

Թող անպիտանը խելօք կենար որ այդ փորձանքները չգային զխուսն:

Ուսուցիչներուն. — Այս դարին մաս կը կազմէ նաև շաշտոյ հիշեալ ատանց Ախթի վարժարանը:

61. ՔՕԹՕԹԻՆ ԱՐԿԱԾՆԵՐԸ

(ՎԱՐՃՈՒԹԻՒՆ ԱՌԱՆՑ ՆԻՒԹԻ)




Հրահանգ.—Նախորդ պատկերների հետևելով, ցոյց տուի՛ր թե այս տասներկու պատկերներին խոսքանչյուրը անոր ո՞ր հասուածին կը պատշաճի:

62. ՉԱՐԸ ՄԻՇՏ ԿԸ ՏՈՒԺԷ

Հրանտ չար աղայ մըն էր, առանց պատճառի կը վշտացներ իր ընկերները. շատ անգամ նաև չարութեամբ կը փոխարինէր իրեն եղած բարիքը:

Օր մը, հայրը դանակ մը տուած էր իրեն որ սուրցնէ հետանաքարին վրայ: Հրանտ մէկ ձեռքով դանակը բռնած էր ու միւսով ալ հետանաքարը կը դարձնէր, և շատ կը յոգնէր:



Բայց ահա յանկարծ իրեն մօտեցաւ այն փիղը՝ որ մեր Քօթօթին լաւ դաս մը տուած էր: Բարի կենդանին շուտ մը կ'ընծիթովը բռնեց հետանաքարին թեր և սկսաւ դարձնել: Հրանտին գործը դիւրացաւ, ու շուտով սուրցուց դանակը: Ազնիւ աղայ մը անշուշտ պէտք էր շնորհակալութիւն յայտնէր փիղին, անոր պտուղ մը տալով, բայց Հրանտ չար էր. փոխանակ պտուղ

տալու, սուրցուցած դանակը փիղին կնճիթը մխեց, և սկսաւ խնդալ, ըսելով.


— Իրաւ ազուոր սուրցեր է, վարպետ փիղ, ասեղէ մը աւելի դիւրութեամբ մտաւ կնճիթիդ մէջ:

Սակայն շուտով իր շարութեան պատիժը պիտի գտնէր:

Փիղը հեզ կենդանի մըն է, բայց երբ իրեն դպչին, ինք ալ կը շարանայ:

Տեսնելով Հրանտի ապերախտութիւնը, շուտ մը կնճիթը վերցուց և շար տղուն գլուխը բռնելով ազուոր մը քսեց հետանաքարին վրայ:

Հրանտ սկսաւ պոռալ: Քիթը բզբտուած էր ու կ'արիւնէր:



Փիղը դեռ երկար ատեն շարունակեց այդ պատիժը, առանց կարեւորութիւն տալու Հրանտի պողոտուքներուն: Յետոյ թողուց որ երթայ:

Խեղճը վազելով հեռացաւ փիղին քովէն: Քիթը շարդ ու փշուր եղած էր և արիւնը առատութեամբ կը հոսէր:

Այդպէս վաղելով ու ցաւէն պոռալով՝ Հրանտ վերջապէս տուն գնաց, լըւացուեցաւ, և հայելի մը առնելով դէմքը դիտեց: Արիւնը դադրած էր, բայց քիթին կէսը չկար, և դէմքը շատ տղեղ կ'երեւար:



Հրանտի սիրտը ցաւեցաւ. սակայն եղածը եղած էր: Կը կատղէր փիղին դէմ:

— Շատ շար կենդանի է եղեր, կ'ըսէր, նայեցէք մէյ մը, ինչ փորձանք բերաւ գլխուս:

Բայց չէր մտածեր որ շարութիւնը ինք ըրած էր, և թէ փիղը իրաւունքով վնասած էր իրեն:

Միւս օրը՝ ընկերները դարմացան մնացին, իր քիթը այդ վիճակին մէջ տեսնելով: Հրանտ հեռու կը փախչէր անոնցմէ և կ'աշխատէր դէմքը ծածկել, որովհետև պիտի

հարցնէին թէ ինչո՞ւ դէմքը այլափոխուեր է: Բայց որ կողմ փախչէր՝ միշտ դէմը մէկը կ'ել-

լէր: Չէր կրնար ամէնէն ալ փախչիլ, ու կը խպնէր ըսելու որ փիղին բարիքը չարութեամբ փոխարինած ըլլալուն համար այդպէս բիթին կէսը վրայ տուած էր:

Հրանտ ստիպուեցաւ սուտ խօսիլ, ըսաւ թէ սանդուխէն վար ինկած է: Չարութիւն մը ըրած ըլլալուն համար՝ ուրիշ չարութիւն մըն ալ ըրաւ, սուտ խօսեցաւ:

Արդէն այն որ անգամ մը գէշութիւն մը կ'ընէ, ատիկա ծածկելու համար պիտի ստիպուի ուրիշ շատ գէշութիւններ ընել:

Բայց ընկերները չհաւատացին իրեն: Քիչ ետքը, փիղին տուած պատիժը իմացուեցաւ, և ալ բոլոր տղաքը սկսան ծիծաղիլ իր վրայ:

Հարցումներ նիւթի վրայ (Գիտօք գոց).—Հրանտի հայրը ի՞նչ գործ յանձնած էր իրեն, և փիղը ի՞նչ կերպով այդ գործը դիւրացուց.— Հրանտ ինչո՞վ փոխարինեց փիղին բարիք.— Լեւոնտինը ի՞նչ կ'ըրաւ.— Հրանտ ինչո՞ւ խպնեցաւ նշմարտութիւնը իր ընկերներուն յայտնելու.— Հրանտ ուրիշ ի՞նչ գիշ բաւ ըրաւ:


Հարցումներ պատկերներուն վրայ (Գիտօք բաց).—Պատկերներուն նկատելով կրկնեցիք պատմութիւնը.— Լսիք թէ ի՞նչ մասերէ բաղկացած է նկատմանաբար որ կը տեսնուի առաջին և երկրորդ պատկերներուն մէջ:



63. ԲՐԴՈՏԻՆ ԱՐԿԱԾԸ


(ՇԱՐԱԴՐՈՒԹԻՒՆ)

Բրդոտը՝ մեր կատուն՝ կը ճանչնաք արդէն՝ Խեղճին գլխուն նորէն փորձանք մը եկաւ, և ի՞նչ փորձանք: Երէկ առտու՝ յանկարծ պոչը տնկեց, պեխերը ցցեց և սկսաւ վազել:
(Ա՛ր կը վազէր. ի՞նչ կը գտնուէր դէմք. ի՞նչ տեսաւ անոր մէջ որ վազեց):




Բայց մեր Բրդոտին բախտէն՝ ահանաոր լաւ տեսակէն չէր: Մուկը անցեր էր անոր դռնէն, մտեր էր ներս ու պանիքը կը կրծէր, և դուռը չէր գոցուած:

Մինչդեռ երբ Բրդոտը գլուխը ահանաափին դուռնէն ներս խոթեց, դուռն է
(Ի՞նչ եղաւ ահանաափին դուռը. հասկա Բրդո՞տը. ո՞ր տեսակէն գտնուեցաւ):



Խեղճ բրդոտ : Շատ աշխատեցաւ որ գլուխը հանէ ազանատէն դուրս , բայց դուռը լաւ գոցուեր էր : Կը պոռար ու կը կանչէր : Իր պոռչաուքը լսելով , մուկերն ալ դուրս ելան իրենց ծակերէն , և

(Խնչ բրին մուկերը . ինչո՞ւ ուրախ էին . ինչո՞ւ չէին վախնար Քրդոտէն)



Բարեբախտաբար մայրս վրայ հասաւ և Բրդոտը ազատեց : Եթէ քիչ մը ուշ հասնէր , անպիտանը խեղդուած էր : Հիմայ աղուոր ազանատ մը ունինք ու մուկերը

(Խնչ կ'ըլլան երբ անոր կը մօտենան)



Հրահանգ.— Պատկերներուն նայելով գրեցիք պատմութեան պակաս մասեր , կարելի եղածին չափ կարճ :

64. ԿԱՂԱՆԴԻ ԽՕՍԱԿՅՈՒԹԻՒՆ

(ԱՐՏԱՍԱՆՈՒԹԻՒՆ)

— Ինչո՞ւ կը յօրանջես :

— Ուղերձ մը գոց կ'ընեմ :

— Կը ձանձրանամս ուրեմն . . .

— Քունըս կուգայ , Սինէմ :

— Որո՞ւ համար է այդ :

— Իմ հօրաքրոջս համար

Ոտանաւոր գրրելն ալ սեպեցին յարմար , Որպէսզի հօրաքոյրս ըլլայ գոհ և ժպտուն :

— Ոտանաւորն ի՞նչ է :

— Էհ , չես հասկընար դուն :

— Բացատրէ , հասկընամ :

— Ոտանաւոր . . . գիտես

Մանաւոր բառեր են . . . երբ կը խօսինք այսպէս՝

Պարզ կերպով կը խօսինք . . . : Ոտանաւորն , անդին

ձոխ , շրքեղ , ներդաշնակ , վըսեմ է ու խըրթին . . .

Եւ գայն գրրողներն ալ շատ կը հաւնին անոր . Քուկինդ ըսէ տեսնեմ :

— Իմանալ կ'ուզես որ . . . :

— Ուղերձիդ մէջ ի՞նչ բաներ կան Քուն բերող և ապուշական . . . :

—«Մեր սիրոյն և մեր մաղթանքին
Ընկալ նըւէրն երախտագին
Եւ մեր իղձերն որք դէզադէզ
Երջանկութիւն կը բերեն քեզ :
Բարիքներէդ բազմատեսակ
Թող Աստուած քեզ հիւսէ պըսակ ,
Բաղձանքներդ կատարուին միշտ
Եւ շատ ապրիս գոհ և անվիշտ :»

—Վայ, վայ, վայ, վայ, այդ ինչ բառեր կան այ-
լանդակ ,
Աւելի լաւ կ'ըլլայ որ երթաս շիփ շիտակ
Ըսես.—«Անուշիկ հօրաքոյր ,
Եկայ որ քեզ տամ մէկ համբոյր ,
Գոց չեմ ըրած ոտանաւոր
Բայց կը սիրեմ քեզ , իրաւ որ ,
Եւ կ'ուզեմ որ խնդումերես
Դուն ալ գրկես զիս ու սիրես . . . :»



ՅԱԻԵԼՈՒԱԾ

ՄԱՆԿԱԿԱՆ ԵՐԳԵՐ

(ԵՂԱՆԱԿՈՎ)






ԿԱՂԱՄԲՆԵՐ ՏՆԿԵԼ ԳԻՏԷՓ



Կա-ղամբ-ներ տրև-կել գի-տեն Շատ խո-



-շո-ր շատ խո - շո-ր. Կա-ղամբ-ներ տրև-կել գի-



-տեն Մեր գիր - դին մէջ ա - մէն օր:

Կաղամբներ տնկել գիտեն,
Շատ խոշոր շատ խոշոր,
Կաղամբներ տնկել գիտեն
Մեր գիւղին մէջ, ամէն օր:

Զանոնք կը տնկեն ոտքով,
Շատ խոշոր, շատ խոշոր,
Զանոնք կը տնկեն ոտքով,
Մեր գիւղին մէջ ամէն օր:

Զանոնք կը տնկեն մատով,
Շատ խոշոր, շատ խոշոր,
Զանոնք կը տնկեն մատով,
Մեր գիւղին մէջ ամէն օր:

Զանոնք կը տնկեն քիթով,
Շատ խոշոր, շատ խոշոր,
Զանոնք կը տնկեն քիթով,
Մեր գիւղին մէջ ամէն օր:


Զանոնք կը տնկեն լեզուով,
Շատ խոշոր, շատ խոշոր,
Զանոնք կը տնկեն լեզուով
Մեր գիւղին մէջ ամէն օր:

Զանոնք կը տնկեն բերնով,
Շատ խոշոր, շատ խոշոր,
Զանոնք կը տնկեն բերնով,
Մեր գիւղին մէջ ամէն օր:

Ծանօթ.—Ուղուածին չափ կարելի է երկարել այս երգը, օրինակ՝ խնջոյ, աջոյ, ձեռնոյ, ելլել: Տղայք՝ խրատակաւ տուն երգած ասանկին պէտք է ցոյց տան մարմնին այն մասը զոր կը յիշեն:



ԿԱՏՈՒՆ ԵՒ ՀՈՎՈՒՈՒՀԻՆ



Տով - ուու - հի մը կար որ — . հա՛ .



հա՛ , հի՛ , հի՛ . փոքրիկ գեղուհի , Տով-ուու-հի մը կար . որ — , Ոչ-



-խար-կեր կա-րաւ-ծէր . հի՛ . հի՛ . Ոչ - խար-կեր կա-րաւ - ծէր —

Հովուուհի մը կար որ ,
 Հա՛ , հա՛ , հի՛ , հի՛ , փոքրիկ գեղուհի ,
 Հովուուհի մը կար որ
 Ոչխարներ կ'արածէր ,
 Հի՛ , հի՛ ,
 Ոչխարներ կ'արածէր :

Պանիր կը շինէր ան ,
 Հա՛ , հա՛ , հի՛ , հի՛ , փոքրիկ գեղուհի ,
 Պանիր կը շինէր ան
 Ոչխարներուն կաթէն ,
 Հի՛ , հի՛ ,
 Ոչխարներուն կաթէն :

Կատուն տեսաւ զանի ,
 Հա՛ , հա՛ , հի՛ , հի՛ , փոքրիկ գեղուհի ,

Կատուն տեսաւ զանի
 Աչքով չարածրճի
 Հի՛ , հի՛ ,
 Աչքով չարածրճի :

«Թէ թաթղ անոր դպչի» ,
 Հա՛ , հա՛ , հի՛ , հի՛ , փոքրիկ գեղուհի ,
 «Թէ թաթղ անոր դպչի
 Ծեծ կը քաշեմ քեզի ,
 Հի՛ , հի՛ ,
 Ծեծ կը քաշեմ քեզի» :

Չերկարեց թաթն , իրաւ ,
 Հա՛ , հա՛ , հի՛ , հի՛ , փոքրիկ գեղուհի ,
 Չերկարեց թաթն , իրաւ ,
 Թունչն անոր մէջ դըրաւ :
 Հի՛ , հի՛ ,
 Թունչն անոր մէջ դըրաւ :

Հովուուհին ճարճատուն՝
 Հա՛ , հա՛ , հի՛ , հի՛ , փոքրիկ գեղուհի ,
 Հովուուհին ճարճատուն
 Մեռցուց պատիկ կատուն ,
 Հի՛ , հի՛ ,
 Մեռցուց պատիկ կատուն :

Վազեց հայրիկին քով
 Հա՛ , հա՛ , հի՛ , հի՛ , փոքրիկ գեղուհի ,
 Վազեց հայրիկին քով
 Ներումի խնդրանքով :

Հի, հի,
Ներումի խնդրանքով:

«Հայր, ըսաւ, կը ներես»,
Հա, հա, հի, հի, փոքրիկ գեղուհի,
«Հայր, ըսաւ, կը ներես,
Կատուս մեռցուցի ես,
Հի, հի,
Կատուս մեռցուցի ես»:

«Իբրեւ պատիժ, աղջիկս»,
Հա, հա, հի, հի, փոքրիկ գեղուհի,
«Իբրեւ պատիժ, աղջիկս,
Պիտի տաս ինձ պաշիկ,
Հի, հի,
Պիտի տաս ինձ պաշիկ»:


«Պատիժն է քաղցրագին»,
Հա, հա, հի, հի, փոքրիկ գեղուհի,
«Պատիժն է քաղցրագին,
Ո՛հ, մեղք գործենք կրկին
Հի, հի,
Ո՛հ, մեղք գործենք կրկին»:




Դ Ա Շ Տ Ի Ն Վ Ր Ա Յ




Գիւ-ղին մօտ, դաշ-տին վրայ, Կազ-մած



կը-լոր շրո-ջա-նա-կ. Գիւ-ղին մօտ դաշ-տին վրայ Պար կը



բըռ-նեն շա-րու-նակ. Սը-ուոր տը-ղաք սանկ կը-



-նեն. Եւ յե-տոյ սանկ եւ — յին:

Գիւղին մօտ, դաշտին վրայ
Կազմած կըլոր շրջանակ,
Գիւղին մօտ, դաշտին վրայ
Պար կը բռնեն շարունակ:

1. Խելօք տըղաք սանկ կ'ընեն,
Եւ յետոյ՝ սանկ նորէն:
2. Պարտիգպաններ սանկ կ'ընեն,
Եւ յետոյ՝ սանկ նորէն:
3. Լաթ լուացողներ՝ սանկ կ'ընեն,
Եւ յետոյ՝ սանկ նորէն:

4. Հողագործներ սանկ կ'ընեն ,
Եւ յետոյ՝ սանկ նորէն :

5. Անառակներ սանկ կ'ընեն ,
Եւ յետոյ՝ սանկ նորէն :

6. Տիրացուներ սանկ կ'ընեն ,
Եւ յետոյ՝ սանկ նորէն :


Մտեր.—Կարելի է ուզուածին չափ երկարի այս երգը, անկցնելով
նոր տուներ, ինչպէս՝ կտուսականներ, խաշնարածներ, մագործներ, ջաղաց-
պաններ սանկ կ'ընեն, եւայլն: Տղաքը պիտի է իւրաքանչիւր տու երգած ասեմ-
նին շարժուածներով նմանցնեն իրենց յիշած անձը, օրինակ խելոյ տղան,
պարտիզպանը, կտուսպանը, եւայլն:



<< Ազգային գրադարան



NL0060683





— Ինչո՞ւ ուրախ է այս պզտիկը :

— Որովհետև ԴԱՅԼԱՅԼԻԿԻ Ա. տարին կարգացեր, Բ. տարին պիտի կարգայ :

Դիմեցէք Գրլըճեան Գրատուն, և ան ձեզի պիտի հայթայթէ նորագոյն ու ամենագիւրին մէթոտներով պատրաստուած ուրիշ բազմաթիւ դասագիրքեր, որոնք այսպէս շէնշող ու զուարթ կը դարձնեն պզտիկ տղաքը, նոյն ատեն զանոնք զարգացնելով :

Հ Ա Ս Յ Է՝

ԳՐԱՏՈՒՆ ՅՈՎՀԱՆՆԷՍ ԳԸԼԸՃԵԱՆ

Կ. Պոլիս, Չախմախեղար, քիւ 25

ԳԻՆ 5 ՂՐՇ.